

東  
華  
續  
錄

光緒一百七十七

臣朱壽朋敬編

臣章圭琛恭校

十一月戊午諭儲才爲當今急務迭經明降諭旨創辦學

初設成材尙需時日科

舉改試策論因吳帖括空疏惟以言取人僅能得其大凡莫由察其精誦進士爲入官之始尤應加意陶成用資器使著自明年會試爲始凡一甲之授職修撰編修三甲之改庶吉士用部屬中書者皆令入京師大學堂分門肄業其在堂肄業之一甲進士庶吉士必須領有卒業文憑始准送翰林院散館並將堂課分數於引見排單內註明以備酌量錄用其未留館職之以主事分部並知縣銓選者仍照向章辦理如有因事告假及學未卒業者留俟下屆考試分部司員及內閣中書亦必須領有卒業文憑始准奏留歸本衙門補用如因事告假及學未及格必俟補足年限課程始准作爲學習期滿其卽用知縣簽分到省亦必入各省課吏館學習由該督撫按時考核擇其優者立予敘補其平常者仍留肄習再行酌量補用所有一切課程著責成張百熙悉心核議具奏隨時認真經理期收實效○己未諭軍機大臣等戶部奏閩省籌備餉需銀兩著該將軍督撫監督按照指撥銀數於來年四月前解到一半十月內全數解

清毋稍遲逾○諭前因八旗養育兵丁錢糧參佐領催等官向多浮冒通同克扣情弊特派書溥良載  
澤載卓載瀛桂春敬昌祥普認真確查整頓奏明辦理初次查辦尙多核實嗣後漸涉因循歷經有旨嚴  
飭現因孤貧錢糧又不查實開除仍有冒領克扣等弊著各該旗都統等破除情面務將各旗養育兵丁  
戶口按月核實造冊開放總期掃除情弊勿使虛耗錢糧俾現存之孤寡獲沾實惠嗣後再有前項積弊  
惟各該旗都統是問○命有泰爲駐藏幫辦大臣○庚申張人駿奏准戶部咨議復直隸督臣袁世凱請  
以豫岸新加鹽價四文照案飭商包繳銀二十四萬兩一半留直備用一半撥解豫省等情一摺奏奉  
諭旨依議欽此欽遵黏連原奏咨行到豫查豫省新攤賠款鉅期迫經升任撫臣錫良遵照部定章程  
將現在鹽斤價值每斤再加四文奏明開辦蘆綱額引十九萬三千餘道每引收錢二千二百文每年應  
共收錢四十萬四千餘串按時價合銀三十萬兩有奇雖歷年銷不足額以八成核計可收銀二十四萬  
兩直隸原奏謂不及二十萬兩殆以開辦之初收數或有短絀約略言之現在嚴核功過責成州縣設法  
疏銷以期徵收暢旺部臣盱衡全局以豫省業經開辦毋庸再由直隸飭令蘆商包繳免涉紛歧所請至  
爲平允且以蘆商困累准將舊案已停之二文加價暫爲寬免體恤商艱無微不至該商人等亦應激發  
天良破除積習認真措辦勉濟需餉省本非饒幸之區常年庫帑久已入不敷出舉派賠款每年至九

十萬兩之多竭力騰挪實已無可措注祇此新案鹽斤加價一項爲就地勉辦之款若直隸再分半留用勢必束手坐困貽誤實非淺鮮現既歸豫抽收應將此項盡數湊解賠款以本省之所出仍濟本省之用揆諸情理尤爲允當至議以河南舊案未免之二文加價前由直隸包繳自庚子亂後此款究竟如何著落行令據實覆覆一節查直隸每年包繳豫省加價銀十二萬兩經交長蘆運庫按年分解戶部及抵撥河南舊款應照辦在案前直隸督臣袁世凱咨請應解英德俄法賠款自庚子被兵以後所有自光緒二十六年八月起至二十八年五月止均經奏准改由他省籌撥本年八月內應還賠款運庫已如數籌齊應山海防支應局兌收劃抵等因此項包繳銀十二萬兩數年以來長蘆如何指撥如何騰挪豫省無案可查應由直隸據實查覆據布政使延祉稟鹽道王維翰會詳請奏前來臣伏查各省新辦賠款同一艱窘然如豫庫之帑藏固乏萬分爲難實更有甚於他省者此次勉籌賠款以鹽斤加價爲大宗部臣統籌兼顧深知豫省爲難情形准將蘆綱新案加價仍歸豫省抽收臣當督同司道嚴飭行銷蘆庫各州縣核實稽徵儘收儘解卽以此項盡數湊解新案賠款庶騰挪應用豫力尙可勉支而直省少此截留一欸亦無大損下部知之○辛酉諭朕欽奉 慈禧端佑康頤昭豫莊誠壽恭欽獻崇熙皇太后懿旨順天府奏請賞給粥廠米石一摺京師西直門外藍靛廠設有粥廠加恩著賞給粟米三百石由順天府具領

發交該處紳董煮粥散放以惠窮黎該衙門知道○諭朕欽奉 慈禧端佑康頤昭豫莊誠壽恭欽獻崇熙皇太后懿旨本年秋間山東黃河漫溢惠民利津等縣被災甚重自冬徂春爲日方長深宮實深座念加恩頒給內帑銀五萬兩並由庫撥銀五萬兩著周馥遴派委員會同該地方印委各官周歷災區分別輕重核實散給以惠窮黎○壬戌調魏光燾爲兩江總督○癸亥雪○命兩江總督魏光燾兼充南洋大臣○以丁振鐸爲雲貴總督○諭現在八旗挑練兵丁已逾萬人著派魁斌溥倫桂春景瀾榮慶鐵良於所揀數內再行揀選四千人並著姜桂題隨同遴選所挑之數先派三千人交袁世凱認真訓練期成勁旅其未經挑入之兵丁如有尙堪充選者著一併記名俟著有成效再行輪次分派前往俾資練習○諭現因八旗兵丁戶口造冊請領錢糧仍多浮冒復經諭令各該旗都統等破除情面盤剔弊端惟積習已深仍恐未能一律核實著責成原派之督撫等認真稽核確查實在人數由各該旗據實造冊請領不准稍有虛冒該王大臣務當掃除積弊以副朝廷體恤旗艱嚴杜中飽之至意○甲子以軍機處繕修漢字檔冊成予郎中歐陽熙等升敘有差○乙丑以攻克奉天朝陽縣花子溝山卡匪徒出力予總兵沈大鰲等升敘有差○丙寅諭張之洞奏遵旨查明督臣子嗣一摺已故兩江總督劉坤一之子候選道劉能紀加恩著以四品京堂候補伊孫一品廕生劉思銓著以郎中用候選同知劉思錡著以知府用劉思鏐劉

思鈐均著以主事用以示篤念疆臣有加無已之至意○丁卯連順等奏邊疆之要首曰睦鄰凡一切事機自應因時制宜謀爲久安之計查烏里雅蘇臺地處極邊與俄接壤形勢孤懸頭項是道貿易俄商絡繹不絕當此重訂和好之際邊局益不能不慎鄰睦更不可不修設商局而理商務實爲睦鄰保邊第一要義溯查從前俄商來城貿易者朝來夕去交涉事少暫歸理藩院兼辦今則俄商在烏多設鋪所常年與蒙民交易兼以烏梁海連界俄屬之烏蘇河套並恰克圖均設有俄官與蒙古諸部落近在咫尺中無隔閡以致喀爾四盟無一旗無貿易之俄商其所交易者專以牛皮獺子皮牛隻爲大宗每年由三扎兩盟以貨換買駝絨羊毛進烏城者不下三四百萬斤其由各和碩徑運俄國者爲數尤鉅故近日交涉事繁較昔不啻倍增什在此時卽派專員承辦猶恐有拮据不遑之勢若仍以理藩院兼辦實屬顧慮難周設有貽誤非惟有失鄰睦實於邊局關繫匪輕奴才等熟籌再四擬仿照科塔兩處成案在烏城街市設立中俄通商事務局擬設承辦章京主事職銜一員額爾筆帖式二員專司其事庶責有專歸而無貽誤查烏城辦公向來事浮於人此次設局辦商又關交涉應委各員非久歷邊疆通達吏務蒙文者不克勝其任所設承辦章京一缺擬由綏遠城擇其曾在西北路邊區通達通商事務諳悉夷情之員指調來烏委用以資熟平而期得力其筆帖式二員卽擬由在營旗員內挑選補用至各員等升階保案暨應支鹽

糧加增等款按照烏城額設主事職銜筆帖式等員之例一體辦理惟烏城設立商務係屬創始且俄官往來似應稍加優待擬月給辦公心紅柴燭紙筆等項銀四十兩書記四名以備書寫一切招募巡兵十六名以資巡查倘蒙俄交易偶有口角卽便前往彈壓勿令釀成事端每名擬月給津貼銀四兩至中俄交涉必須曉俄蒙緝語者添募通事二名方不誤事月支口分每名按照六兩發給總計一年所需連開不過二千二百餘兩惟當此多事之秋庫款支絀奴才等亦應共體時艱變通辦理所有該員等應支各款暫由烏城常年各項六分減平項下核發仍歸入常年經費造報不令稍有浮冒庶免部籌之難如蒙俞允擬按照科布多山奴才刊刻木質關防一顆交口辦中俄通商務關防報部開用以昭信守其餘一切設局開辦暨支發各項銀糧日期並調員承辦各情形俟奉 旨後再行酌核奏咨辦理得 旨著照所請該衙門知道片併發○已諭各國電務多歸官辦凡遇軍國要政傳遞消息最稱便捷中國創自商辦諸多窒礙亟應收回以昭鄭重著袁世凱張之洞迅將中國所有電綫核實估計奏請籌撥款項撥還商戶卽將各電局悉數收回聽候遴派大員認真經理以專責成而維政體○諭練兵之道最忌紛歧曾經疊次降旨飭各省督撫整頓兵制期歸一律乃近來各省奏報仍多空言搪塞絕少切實辦法殊難望有成效著北洋湖北訓練新軍頗具規模自應逐漸推廣所有河南山東山西各省著速卽選派

將弁頭目赴北洋學習操練江蘇安徽江西湖南各省選派將弁頭目赴湖北學習操練俟練成後即發回各原省令其管帶新兵認真訓練以資得力而期並一每年北洋湖北請旨簡派大員分往校閱揀其優秀嚴加甄別用副朝廷整飭武備實事求是之至意其詳細章程著袁世凱張之洞妥議會奏請旨遵行○綏遠城將軍鍾泰卒予祭葬恤銀賞其子榮紳主事○以恆壽為綏遠城將軍玉崑為涼州副都統○庚午諭軍機大臣等各處開辦鐵路關繫重大盛宣懷如與他國公司議立各項合同條款著先由各督撫核定始可簽押以期周密而免疏誤○諭冬至令節次日朕率王公百官恭詣 皇極殿慶賀 慈禧端佑康頤昭豫莊誠壽恭欽獻崇熙皇太后禮成後御太和殿受賀○崇善等奏船政自建威建安為甲艦工竣之後督臣許應麟兼管船政任內飭製淺水巡洋輪船兩艘一曰安海一曰定海安海於去年春間告成定海於本年夏間竣事正在洋面驗試船機以便交與管駕接管茲准督臣會商以安海宜於江面駛用藉以巡緝盜賊定海船高可禦風濤改為海口港汊偵獲賊船之用每遇風逆潮退大船不能前進者該船可游弋自如若果得力當擬再造數艘俾成艦隊此本省製船之情形也北軍南駐江陰之海籌海琛二快船巡洋抵閩擬就閩陽修理適值春旱潮小兼以閩前淤積嗣經極力開挖俾得進陽業於七月間次第修竣銜尾赴滬此北軍到閩修理之情形也臣翊清本年三月奉 旨會辦船政附片奏



明各省須向他國購船者不如向閩廠製船等語奉 旨飭令各商各督撫妥籌辦理適兩廣督臣陶模  
署督臣德壽等咨商仿造淺水快船一號又咨商改木質探航舊船為廉欽一帶轉運軍火之用蓋廉欽  
盜匪出沒所恃只閩廠舊製伏波一船深恐粵防單薄故亟託修改探航以資調遣至粵省之海口江面  
緝私捕盜所用則以淺水船為宜洋監督杜業爾於此等船隻繪算其喫水處不及二尺頗盡淺水之能  
事故本年廣東派員來閩考究現擬陸續解欵先成一號此外省託製船隻之情形也海關向有巡視各  
口標識浮橋之船閩關之福星船近因剝蝕總稅務司託船廠代造一船以為替換此海關託製船隻之  
情形也以上各船馬力機鍋雖不甚大然必聚中國數省之財力以助閩廠工程之興作大抵船大每欵  
鉅效遲船小則費輕易成故託製者頗形踴躍船大則如寫甲船二號南北洋各省以養船多費尙難收  
留差遣不如多製小船取其適用於百孔千瘡之時藉以調和洋員羈縻工匠撐此局面蓋目下所急者  
在籌還探辦洋欵洋欵還後廠事皆可從容壁畫等視事未久善後事宜容與督臣許應駁並飭洋監  
督杜業爾熟籌詳商冀有以報答 聖慈於萬一其關欵按月二萬兩 崇善仍當隨時解濟以免支絀  
下部知之○乙亥外務部奏 臣部於光緒二十八年九月初三日議覆吉林將軍長順等擬請展修吉省  
支路一摺本日奉 硃批再行妥議具奏欽此跪誦之下仰見 朝廷振興路工維持根本之至意 臣等

伏查吉林省城至長春一段鐵路關係緊要亟應籌款自築以維利權前以庫款難籌擬俟財力稍充再為妥籌辦理重荷 聖明指示自應熟權緩急以重要工古省幹路現已竣工風氣既開咸曉然於鐵路轉輸之利展修支路自為商民所樂從此段工費約需二百數十萬兩應請 旨飭下戶部先籌的款八十萬兩為之基礎不敷之數即由吉林將軍就地籌集或派員安定章程招集華商股分以期迅速興辦如蒙 俞允恭候 命下即由臣等分咨戶部暨吉林將軍欽遵辦理至此段支路本在吉林內地與沿江沿海地勢不同將來築造路工轉運一切料件須經由俄國所造已成之路應由臣等與俄國路員隨時商辦得 旨允行○丁丑諭軍機大臣等有人奏甘肅藩司何福堃年老嗜利營私敗法縱令其子何繼良接交屬員賄納賄賂等語著崧駿按照所指各節確切查明據實具奏毋稍徇隱原片著鈔給閱看將此諭令知之○恩壽奏准軍機大臣字寄光緒二十八年五月十四日奉 上諭有人奏請修江蘇常州鎮江河道一摺據稱常鎮兩府河道為南北咽喉要路近因年久失修泥沙淤墊行旅苦之請旨飭修等語著劉坤一恩壽按照所陳各節體察地方情形酌核具奏原摺著鈔給閱看將此諭令知之欽此遵 旨寄信前來等因奉准此伏查鎮江府屬之丹徒丹陽運河誠為南北往來要道且為農田灌溉所依自光緒十九年挑浚以後歷時既久江湖挾沙衝積河身日漸淤滯舟楫有艱行之患田疇鮮蓄洩之資

去冬經前撫臣薛綬樊察酌情形飭司籌款派委特用道沈佺督辦疏浚事宜當即籌辦剋日開工自丹徒之大開口起至丹陽之三板橋止此一百餘里節節淤塞非築壩下埽大加挑挖難期通暢客歲秋歉各州災民眾多該道以工代賑招集夫一萬餘名督同在工各員逐日起挑適奴才蒙 恩調授蘇撫蒞任後卽檄飭沈佺將沙底挑挖一律深廣毋任乍高乍低有礙舟行所起沙土用船裝載卸置大江心之最低處以免江湖衝積淤墊之慮復派撥營勇前往督工彈壓迨本年三月奉 命蒐討軍實乘輪至鎮便赴工次詳加察看間有未能挑築如式之處經奴才酌度形勢授以機宜飭將河面稍狹者一律開拓寬展河岸稍低者一律培厚加高通工所在逐處親勘並諭該道乘茲天朗氣清春水未發集夫趕辦冀早蒞事奴才於閏伍回蘇又復迭次札催趕浚卽於六月據該道稟報此項工程已於五月二十八日通工告竣各壩開啟江水暢流舟輪可駛隨委統領南洋常備右軍候補道杜俞前往驗收並飭勘明河岸土性能否栽植柳株以固堤防旋據杜俞稟稱至工逐加查驗實已一律疏浚深通重備往來暢往無滯亦屬工堅料實其北岸土性鬆窩不等種樹須擇其宜等情當經批飭沈佺將用過土方工價開支各款造報由司詳銷去後茲據蘇州布政使陸元鼎兼辦水利工程候補道朱之榛會詳准沈佺將支用銀數造冊送司核銷以此次開浚徒陽運河一百二十餘里計工長一萬六千八百五十九丈零共用土

方築塢工料局用薪水等項合庫平銀一十萬九千四十六兩零委係實用實銷撥節無浮詳請咨並  
聲明在工大小各員隨時半載汰爾極風認真從事懇請擇尤酌保等情前來奴才查徒陽運河日久失  
修舟楫頗稱不便前經一律疏浚深通行入得資利濟而工段綿長該道督率員夫竭力挑挖趕早告竣  
不爲盛夏潮沙所阻尙屬辦理勤速察核支用經費一十萬九千四十六兩零內動司庫留存賑餘銀二  
萬五千九百八十三兩零又二十七年沿江沿海各縣奏撥截漕改折銀三萬兩並在司庫籌備河工款  
內湊撥銀五萬三千六十二兩零核與原奏所佔經費十萬兩左右無甚軒輊尙爲核實其在事各員升  
於冰天烈日中半載有餘亦皆卓著辛勤不無微勞足錄可否仰懇 天恩俯准援照江南歷辦浚河成  
案擇其尤爲出力者酌保數員以示鼓勵出自 鴻施得 旨准其擇尤酌保毋許冒濫○已卯趙爾巽  
奏查軍流徒犯光緒十年刑部以配逃日衆法制幾成虛設恐滋隱憂奏令各省督撫妥籌良法以憑核  
辦旋因各省復奏辦法不一僅將滿流加等擬軍者均改發極邊足四千里充軍其餘仍從其舊未能規  
奇美督大有更張奴才推原例設軍流徒之意與現在時勢之變遷奉行之繆戾弊賈之叢多有不得不  
亟請更定者敬爲我 皇太后 皇上詳晰陳之查定例軍流各犯實係貧窮又無手藝初到配所按該  
犯本身及妻室子女每名每日照孤貧給與口糧自到配日起以一年爲止於各州縣存儲倉數項下動

用報銷各州縣有驛遞之處一切應用人夫酌派軍流少壯中無資財手藝之犯充當給與應得工食無驛遞之州縣公用夫役均令一體充當逐日給與工價又徒犯不拘有驛無驛均勻酌配各等因詳繹例意是軍流徒各犯原有應當之差應供之役並非令其坐成游手無業可營今祇重看管之科條嚴逃亡之處分州縣懼管束之不密豈肯令充驛差該各犯既無役可充復何從給予工價此失本意者一也又徒罪昉於周之圖土漢之城旦流則本宥罪投裔之文軍則原補兵贖咎之意今則徒犯並不執役流犯均有定配省分儘多優於故土樂於本邦已非徙邊之意軍自衛所裁汰雖多烟瘴諸條而無軍可充無籍可係誠如刑部前議與流犯無殊更無執戟荷戈之事是卽實力安置亦不過爲地方添一罪人爲州縣增一累累而於懲慰省愆之法殊無所裨此失本意者二也往昔界限嚴明道途遼遠戶籍清楚逃人無從插足故近者追蹤卽得遠者海捕無遺不必多爲之備自不慮有逃亡之犯所以軍流徒之法可行今則海禁大開輪船火車交通四近游民貧丐隨處溷跡徒以舊法繩之循例追捕卽同銷案此失本意者三也三失之外又有四弊民偏日滋犯法日衆各省軍流徒及發遣犯逐漸增多凡在衝途州縣每歲經過不下數百起一獄之成並釋解各費計之耗於公利者歲費遂成鉅款卽爲州縣虧累之大宗多糜一分無益之款卽少辦一分有用之事此一弊也軍流各犯現在上無差役可供下無工藝可執又無看

管之地工食之資因之潛逃之案層見疊出緝獲之犯什無一二該各犯或罪由誤蹈或本非良善譴配之初未始無悔過畏罪之心自定爰書正名之曰徒流充軍復經歷各地監卡所見所聞無非囚繫靡恥潛喪悔懼全無不惟坦然忘自作之事更有自命爲官人之勢纔登隸籍卽仰食於縣官一著緒衣便稱雄於亡命一旦逃遁還鄉益得張其兇橫罔知畏懼鄰里畏其報復而不舉發蒙指引爲黨援而生事端劣紳蠹吏與之狼狽而不肯查緝甚至聚眾之匪倡亂之民多出於此此又一弊也軍流各犯其安於配所幸不逃者州縣以其素習兇頑難於驅役或任開押自給或靠商鋪攤供遇有賽會婚喪該各犯更以身係罪囚恣意需索弱者不過強顏求食強者則敢挾勢橫行徒長兇暴之風絕無悛改之望甚至串通盜賊倚爲強梁包庇娼賭流毒閭閻以及唆訟抗官各事亦多出其搆煽昔投豺虎於四裔今以根莠易嘉禾是因一罪人之導引更爲流徙地方添無數罪人矣此又一弊也又或孱弱之軀驟經播徙愚柔之質不慣營爲非賴賠於道路卽死亡於異鄉歸骨無望鬼其餒而夫 朝廷本有貸死之恩該犯反無貪生之樂固由自取而揆諸好生之德必有惻然難安者此又一弊也 奴才維周重司寇只列任收漢易肉刑不設流徙梁陳以下有歲刑及兇鉗亦少徒流之制近東西各國多以禁繫爲懲罪之科工作爲示罰之辟誠謂加以拘執足啟心思責以工傭足裨勞務執業足供所食則上無耗費收犯皆有定所則下少

逃逃而沒染良氓滋長奸惡諸弊更不禁而自止揆之經訓定例尙無刺謬況前奉刑部通行章程不法棍徒到配及脫逃遺軍流犯經獲俱令先行監禁十年等語亦深慮其句結爲匪散漫難稽然犯多則無地可容期過則仍散漫無裨勸奴才愚見擬請仿漢時輸作之制飭下各省通設罪犯習藝所以後將命盜雜案遺軍流徒各罪犯審明定擬後卽在犯事地方收所習藝不拘本籍外省分別年限之多寡以爲工役之重輕精而鑠治諸工粗而布縵縫織之末皆分別勸懲嚴定課程其愚劣過甚者令作舉重等項苦工徒犯自半年至三年加重者至四年軍流自非所犯常赦不原者似均可酌定年限期滿察看作工分數及有無懊悔有無切保再行釋放流罪自五年至九年軍罪自十年至二十年皆令常帶刑鎖在所工作文弱不能工作者卽令服所中苦職司帳之役桀驁不服約束者例加以鞭撻扑責之刑是有十益拘繫本地衆知儆惕一也管束有所不致逃亡二也見聞不廣習染不深三也各營工役使生營心四也力之所獲足以自給五也與人隔絕不滋擾害六也繫念鄉土易於化導七也護解無庸經費可省八也本籍保釋的確可靠九也卽或疾病死亡仍獲首邱法中有恩十也惟設習藝所雖不無小費然較之原來招清遞解之費外來寄監安置之費所省已多則揭彼注茲固州縣所禱祀以求者也況有牧民之責者孰不願其子民之出有罪而入無罪踴躍奉行尤可操券此外尙有銷燬繫悍人犯似亦

宜照此辦理緣各處帶繫墩桿人犯平日游行街市多半以攫物訛人爲生活及釋放之後或尋報復或犯別案即釋重負轉能身輕步快更難追捕其該犯等特帶有墩桿罰案倚爲生產久且私行逃避翻將墩桿別售於人滋累無已種種流弊皆足爲地方之害擬請以後此兩項人犯亦併入習藝所內一律辦理伏維 國家辦理重法制皆寓深意特以時勢較異儻仍不思變通隱患潛滋貧弱愈甚似不能盡責奉行之不善茲幸恭逢 睿斷洞明積弊損益因時 特派修律大臣參酌中外法制審情理之準定久遠之規必已見及於此惟事關刑律不厭求詳奴才身任地方深思博考如道軍流徒各項若非因時變通無以示道齊而昭平允合無仰懇 天恩俯准將奴才所陳各節 飭下政務處會同刑部修律大臣妥議章程行令各省一體遵辦出自 逾格鴻慈惟此係內政原與交涉無干如經議准擬請山部通行各省遵照則早頒一日之 綸綍即早邀一日之 恩施矣得 旨刑部核議具奏○庚辰大祀 天於闕丘 上親詣行禮○予四川安縣節婦杜張氏旌表○鄧華熙奏粵匪糾合大股竄入興義攻陷縣城旋經嚴飭兵團剋期收復餘匪一律追剿出境懇將在事尤爲出力文武員紳並陣亡員弁先行分別獎恤允之○辛巳 上詣 皇極殿行禮御太和殿受賀○壬午駐藏幫辦大臣安成因病乞休允之以訥欽爲駐藏幫辦大臣○命袁世凱陳璣估修正陽門工程○諭軍機大臣等鐵路經過河南地方著派張



人駿督同經理○甲申 上御乾清宮美國使臣康格帶領水師提督麥勒思覲見○諭袁世凱奏續查天津縣災歉情形懇請蠲緩糧租一摺直隸天津縣遭家等村成災五六七分及歉收四分不等著照所請將應徵本年下忙錢糧及各項旗租分別蠲緩以紓民力○外務部奏光緒二十七年十一月二十三口准軍機大臣字寄十八日奉 上諭呂海寰奏出洋肄業學生宜防偏重以杜流弊一摺學生出洋肄業原爲儲才起見豈容濫竽充數若如所奏近來學生出洋沾染習氣流弊滋多殊非慎重名器之意著外務部按照所陳防弊及考課保送各節詳晰妥議並將該大臣原奏分咨出使各國大臣核議具奏請行辦理原摺著鈔給閱看將此諭令知之欽此欽遵寄信前來○等因即恭錄 諭旨鈔錄原奏分咨出使各國大臣核議咨覆以憑妥議具奏去後茲准前任出使英義比國大臣羅靈祿會同出使德和國大臣蔭昌出使法國大臣裕庚出使美日秘國大臣伍廷芳出使俄國大臣胡惟德出使英義比國大臣張德彝等咨稱近年出洋學生各省各派各有各章學生既未考究根底所派之員又多不習外國語言學問辦理未能一律廢時糜費莫此爲甚方今參酌中西政要擇善而從宜於未派出洋之前先通中學將派之時務舉普通之學既派出洋之後精求專門之學夫而後中西可以貫通成就可期遠大其到洋後自稟到報名以至送學定課稽察調考覆試送出考咨送回華統由使館照章辦理至名目應分三項一

曰貴國學生凡王公大臣子弟皆是各國均有一定優待之例執業時與同班學生一體肄習迨出學堂之門換去號衣則仍待以貴國之禮中國如有此項學生應依照日本暹羅王子辦法送入高等學堂如英國伊敦夏魯學堂之類恪守堂規隨班受課不得有挾貴挾賤之意一切稽察調考仍歸出使大臣辦理如不安本分鬧事過犯者責成出使大臣破除情面切實註劣咨送回華以免貽笑外人致傷國體現暹羅世子由該國駐法大臣照料管束視同子弟是其明證至學堂教習教授全班或數十人或數百人限暑講解說恆慮不周最好自延教習一二人卽寓寓於其家每日由堂回寓卽將學堂所授功課詳細講解尤易精進一曰官派學生如京師大學堂及各省督撫學政暨各大臣所送者皆是應於各學堂中擇其已畢普通學之業而又中學優長器宇純粹年在三十歲以下者略照同文館奏派諸生辦法先期將該生銜名年籍派學何項專門逐一咨會使館俟該生到洋面加查考後卽派參贊一人爲之監督安置住所尋覓學堂稟商咨送所有學生經費由原派大臣先期咨送使館卽派該監督妥慎經理年終造冊報由出使大臣覆核出咨學生功課行爲由該監督隨時稽察切實稟報每年大考一次由使臣親自考校其季考三次卽委令該監督代考並面加訓迪勗以忠孝廉節要指曉以綱常倫紀大經俟專門畢業呈驗文憑報由使臣定期面試如果相符卽將該生人品學問數年中有無過犯出具切實考語

咨覆原送大臣並報明外務部轉咨管學大臣存案隨飭監督爲之預備歸裝黃轎位送回中國聽候  
裂試至服色一節仍宜示以限制如水師陸軍學生准用該船該營一色號衣以便操演學習礦路製造  
諸生亦准便服以利工作惟概不准剪髮辨該項緋金號衣爲價不貲非學生所能自辦應照船政成  
案官爲製備隨時給發其餘諸學學生不必更換服色以昭制度其有原送大臣業將所送學生指在某  
屬學肄習專門者與使館相距太遠稽察考課使臣斷辦不到應由使臣飭該學領事充當監督照前  
辦理報由使臣分別給咨如附學之學並無中國領事官應飭該生等於給假游歷期內親赴都城謁見  
使臣面呈功課以憑考察一曰游學學生如民間自備資斧出洋者皆是該生等既係自籌經費自不必  
限以年歲除到館報名留書住址以便查詢保護外如無不安本分及別有過犯使館即無庸過爲刻覈  
欲附民間何學聽其自擇惟欲入官學堂肄業者應稟由使臣考校合式卽爲咨送其造詣有成並欲游  
歷官廡以資印證者亦卽據稟照請至專門事業倘稟呈所得文憑求爲過考者亦卽示期調考如果相  
符與官學生一律咨部如各項學生遇有患病及一切丁憂事故應照成案辦理或酌予奏卹所有用費  
作正開銷又專門學問精微奧妙各有不同如學礦務製造者須四五年學政治理財律例者須三四年  
方能畢業況出洋伊始恆須先練口耳或一年或半年聽請時方免枘鑿舉其大略非六年不爲功肄業

期內一概不准充當使館差使藉杜躁進而植成材若夫編譯各員誠能於中國典章法度沿革源流風土人情利弊所在強弱所分得失機宜胸中悉了而又兼通中外語言文字者誠爲優選第全材難得必求其選則供編譯者尙有幾人更加出洋之日兼習中文非不甚勞無如外洋學堂每日授課四五點鐘講讀之時受之以耳鈔之以手已無閒難之隙回至私寓必引伸體會考驗測算夜以繼日尙恐不足何暇兼習中文使臣交涉事務自難親爲督課卽派監督一員爲之師表地遠人多亦難兼顧調其來學有妨西學之課程置之署中更無多士之廣廈故宜以專習專門之學爲斷至謂學生出洋竟有疑三綱五常爲無足重輕一節查各局派出洋學生及同文館委派各生尙無此種弊習且歷考外國哲學學藝各書陳說道理皆與中國之聖經賢傳相表裏是第愚學生之不真通西學耳果使真通哲學學藝則忠孝之心方且油然而生又何有蔑視綱常淆亂倫紀之慮譬如中國讀書不成流爲鄉曲無賴是仍由學前之未精未可歸咎於識字也英人理雅各所譯四書五經風行外國學生倘時加溫習不獨不忘中國之經傳且於編譯虛字等訣領略取法受益無窮各國藏書樓所存中國書籍畧畧帙聽人鈔譯更何有偏重洋文之弊要之未出洋之前早學精通而普通學又已畢業者出洋印證更習專門固自易易否則學無根底卽使出洋肄業亦僅得其皮毛或且沾染習氣恃爲護符是皆不善學西學者也應請准由

使臣查出實情嚴行斥革以除流弊現在 國家求賢若渴屢奉 恩詔激勵裁成如華生願與洋生一

同赴考外國之文中秀才武中干把之類應由使臣隨時咨明外務部立案以便將來從優獎勵惟各使

臣等所尤新者風氣初開全材難得苟有一端可取卽爲有用之才所習何項專門應卽用以充當何

項差使歷試有效卽仿日本變法政策畀以重任俾盡所長惟專門學問日異月新應請選派諸生源源

而來以求新得抑更有請者學堂教習及私請之教習其束脩應由使臣隨時酌定蓋學生之功課逐漸

遞進則洋師之束脩亦宜逐漸加增以示鼓勵其有虛應故事並不實心課讀者應立時辭退另行聘請

如此賞罰嚴明則教習可則實心任事學生亦必益加奮勉等因會同咨覆前來 等查該大臣等所議

各節均屬切要可行嗣後如有派赴歐美各國肄業生徒其一切辦法應請 旨飭下出使各國大臣暨

京師管學大臣各直省將軍督撫一律遵照妥爲辦理至日本較歐美爲近現往該國游學各生實繁有

徒業經奉 旨特派總監督專司其事復經 旨等因令妥擬章程悉心經理應將此次議定各章一併卽

行該監督參酌變通以期周妥得 旨允行○乙酉外務部奏查光緒二十年甲東之役由原任北洋大

臣李鴻章飭北洋水師營務處道員羅豐祿向英國怡和洋行租用高陞輪船載兵前赴牙山被日本浪

連長輪擊沉事定後英外部旋向駐英使臣龔照璣照索償款經 臣衙門以日本尚未宣戰首先開礮擊

毀英船應向該國索賠堅拒不許二十三年駐英使臣羅豐祿接任該外部復催請給價臣衙門仍令駁  
駁二十五年六月間英署使艾倫賽述其外部電諭謂兩國所見不同應另請公正人判斷以定賠款與  
否臣衙門當查北洋租船合同內載有將來租主船東如意見不合互相辯論兩家共請公正人判斷等  
語爰擬電知羅豐祿與英外部妥商公斷辦法當將此案大概情形奏明請旨允准在案旋准羅豐祿  
兩稱公訂美國駐英公使徐德判斷此案詳擬章程一謂明日本浪速船所爲是否合理有悖公法二僱  
船之中國國家與受僱之輪船公司孰應擔當失船之責迺英外部於章程內刪去浪速所爲是否合理  
字樣增入高陞擊沉之故由於華官行爲所致其意堅欲中國賠償彼此相持迄未定議迨本年四月間  
英使薩道義送交高陞船案賠款清單逕向臣部索賠查該單開款目至四十餘萬之多當卽駁以此案  
中國原無認賠之理何況款數太鉅萬難允准該使堅執前說且設詞恫喝臣等復與力持十月間薩道  
義回國漸行時面稱中英睦誼方敦此事英國亦願速結現擬核減賠款數目以三萬三千餘鎊作爲了  
結請中國從速付欸等語臣等再四籌商竊以高陞船案事關多年彼此辯論幾於筆禿脣焦而英政府  
命意始終不移若日久不結誠恐藉爲口實轉致別生枝節計不如就此和商了結尙不失兩害取輕之  
意當卽覆以此項賠款雖經核減惟中國財力一時難以籌措尙須從長計議本月十三日復准英國署

使部訥理函稱奉政府來電此案減半辦法係立時賠補如遇之日久則難稍減倘能訂明於一兩月內償補日期尙可照辦否則仍應歸公斷等因等竊維公斷之舉英政府既執意開除浪速船有悖公法一節專斷租船之國是否應出償款誠恐既斷之後仍歸中國認賠按照西例一經斷定彼此即應遵辦恐中國虧損愈多屆時更難改議似不如迫融商結尙可稍省財力如蒙 俞允擬請 旨飭下戶部迅籌的款解交 戶部應付恭候 命下卽由 戶部將應需英金三萬三千餘鎊折成銀兩確數咨行戶部遵照撥交並照覆英署使部訥理轉達英政府知照結案得 旨允行○丙戌諭軍機大臣等戶部外務部奏各省關欠解東北邊防經費請旨嚴催一摺著各該督撫按照欠解銀數趕緊籌解○諭前據禮部奏請新科舉人覆試於會試揭曉後舉行惟思士子守候日久旅費維艱著改於會試三場畢卽行覆試以示體恤此項試卷著知貢舉嚴密包封解送到部由該部奏請簡派大員閱看○是月英吉利國使臣薩道義回國參贊照理署理○法蘭西國新簡駐華使臣呂班抵任

十二月丁亥朔諭朕欽奉 慈禧端佑康頤昭豫莊誠壽恭欽獻崇熙皇太后懿旨禮部奏元旦禮儀一摺著停止筵宴照例行禮其在外公主福晉命婦著進內行禮○諭朕欽奉 慈禧端佑康頤昭豫莊誠壽恭欽獻崇熙皇太后懿旨元旦令節皇帝率王公百官著在皇極殿行禮○諭前據御史關榕祚奏參

安徽徽甯池太廣道吳景祺縱子庇弁各節當經諭令該道緝拿確查茲據查明擬奏吳景祺雖無縱庇實據惟秉性庸柔不勝綢道之任著卽開缺伊子工部主事吳炳鏗隨侍任所少年喜事跡近招搖聲名狼藉著卽行革職以示懲儆餘著照所議辦理○松壽奏剿辦口外股匪殲擒積年悍目及現在籌辦地方情形請獎在事出力各員允之○戊子諭周馥奏查明本年山東各屬秋禾被災情形懇恩分別蠲緩新錢錢漕一摺山東濟南等十府臨清濟寧二直隸州所屬各州縣場鹽收併衛所本年陽雨失時秋禾多被傷損並沿河一帶水衝沙壓堤埝佔挖地及黃河漫決被淹村莊若將應徵錢漕照常徵收民力實有未逮加恩著照所請所有被水成災之齊東等州縣所屬各村莊並被水被旱被風被蝨被雹被河被疎勘不成災之濟南等州縣所屬各村莊爲堤埝佔壓各地畝均著照勘明被災輕重情形將應徵錢漕等項分別蠲緩該撫卽按照原奏所開各州縣村莊地畝分別應蠲應緩銀兩米石各數刊刻謄黃徧行曉諭務使實惠均霑毋任吏胥舞弊用副朝廷軫念民艱至意餘著照所議辦理○己丑貴州巡撫鄧華熙因病乞休允之○賞李經羲三品頂戴署理貴州巡撫○辛卯以敖元印爲福建汀州鎮總兵○壬辰諭軍機大臣等有人奏參閩浙總督許應駁貪污卑鄙各款請旨飭查一摺著張之洞按照所參各節確切查明據實具奏毋稍徇隱原摺著鈔給閱看將此諭令知之○癸巳外務部奏美國將於西歷一千九百



零四年即中國光緒三十年在散魯伊斯城開設美國博覽會此會因紀念美國由法人購得魯西亞那地方已及百年設會慶賀係美國立國以來極為重大之事六月間其總理會務大臣巴禮德前來中國敦請赴會到京後與上等會晤顧懇 覲見經臣部奏明奉 旨允准當於六月二十二日由臣等會同美國使臣康格帶領入 覲並蒙 旨敕允准簡派大員往襄盛會欽遵在案臣等伏查泰西崇尚工商賽會之設在羅致各國物產工藝區分類別排列會場俾各國之人咸得較其精良用資模仿實於通商之中隱寓勸工之意聞美國此次散魯伊斯賽會其國家撥給該會鉅款以贊其成各國均特派大員赴會蓋因此舉與交涉邦交頗有關繫而於商務尤為有益中國物產甲於全球徒以工藝未興商情渙散比諸各國實有不逮現當整飭庶政之時適美國有此大會亟應加意講求期於工商諸務有所裨益會詢美國使臣康格各國派往員數大率用正副監督三人者居多臣等公同商酌所有正監督一員應請特旨簡派此後一切赴會事宜統歸該員主持仍俟開會屆期再行前往至應派副監督查有候選道黃開甲才具幹練熟悉商情東海關稅務司美國人柯爾樂精細妥實在華多年均堪派充隨同正監督辦理該副監督等應令先行前往將度地建屋陳設貨物各事宜預為經營布置其赴會一切用款所費不貲亟應籌備以資撥用臣等查出使經費一欸從前借撥過多近年出入相抵已覺支絀實難再撥

會經費惟賽會一事內可維持商務外可聯絡邦交雖當庫藏奇絀之時不得不勉爲其難力顧大局應請飭下南北洋通商大臣及有商務省分各督撫迅即妥爲籌款奏明辦理一面解交該監督等應用以重會務並由南北洋大臣各省督撫出示勸諭工商人等或挾貲前往專事者求或辦貨同行兼圖貿易悉由該監督等妥爲照料以仰體朝廷鼓勵工商之至意得旨著派溥倫爲正監督餘依議○甲午歲免安徽泗州等二十七州縣錢糧○乙未恆壽奏查接管卷內恭讀諭旨飭令各省改練常備續備各軍等因欽此茲准政務處咨令將駐防滿營一體認真辦理准此仰見慈謨聖畫保固邦本之至意伏念涼州滿營積弱向山未能認真整頓光緒二十二年經前副都統依楞額疏請演習洋操旋因款項難籌並未成營開練竟至一奏中止現在奉准通飭改練新操奴才自應抖擻精神力圖振作查涼州滿營額設前鋒領催馬甲礮兵步甲養育兵共一千六百名年來旗兵生齒日繁挑補各缺不無老弱擬就其中逐加刷汰由領催前鋒馬甲內挑選精壯五百名專習新操再由步甲養育兵內挑選伙夫五十名仿照西安將軍升任大學士榮祿奏准西安添練洋操章程因時制宜略爲變通編伍成隊設立管帶官一員副管帶官一員令官二員辦事官四員正副管隊官十員均以本營協佐領防校等官內擇其勝任者選派以資管轄名曰涼州滿營新添常備站邊步隊刊刻鈐記以昭信守惟因改練需用各費節

無可節擬援照前山西撫臣岑春煊奏准酌改太原滿營辦法亦裁去官馬五百匹飭其陸續變價存庫將來設有征調以便採買偵探馬匹之用其例得本色料草自行變價每年可節省銀二千七百六十五兩六錢二分五釐全充作該兵丁每年津貼口糧通計改練一營官兵兵丁本有例支銀米白餉項減作五成支領實在不敷贍給即增此項料草節省之銀尙不敷常備軍一營之餉况新軍操練最嚴非補其不足無以策其奮興應就地另行設法籌款加給津貼然後訓練蒐討方能日起有功誠如政務處所議優給餉糈可收實用爲今練兵要計當此司庫支絀決無閒款可籌既不敢奏請添撥復不能不仰體時艱於無可設法之時悉心籌畫擬於本營官兵支領俸餉平餘銀一千六百一十五兩五錢五分二釐六毫又前任副都統瑞雪每年將馬料變價銀三千四百二十九兩七錢七分五釐作爲本營辦公之款歷經各前任相沿在案奴才查此款並無前奏案卷可藉雖係以公辦公究屬似近陋規現擬將此款提出二千七百零一兩二錢三分二釐四毫計前項三款共銀七千零八十二兩四錢一並提出本年加增新操津貼之費以此用示優異嚴其號令專其責成滿營兵雖弱何患不成勁旅至營內辦公經此次提充津貼所存無幾仍飭協佐等極力撙節倘有不敷設法另籌是以本營自有之款作練兵津貼之費請免造報如製辦旗幟號衣估計一切約共需銀一千五百二十兩尤無餘款可籌奴才再四思維擬請於涼

州府庫內有滿營未發生恩銀一千零八十七兩八錢七分全數提回以資製辦仍分作五年由奴才及協佐等按年攤捐歸款以符例案其製辦不敷銀兩暫爲挪墊俟過年騰出教習薪水即可彌補竊爲此  
次遵 旨改練新操修明武備奴才荷蒙 拔擢忝任偏圻自應隨時躬親訓練破除情面務期兵歸實  
際餉不虛糜如實有廢弛營務者定即嚴行參撤決不敢以姑息之愛稍存欺飾有員 朝廷控衛邊陲  
實事求是之至意其需用洋操教習查有涼州鎮總兵張永清久歷戎行新操熟悉奴才業經就近商酌  
該總兵撥派教習二員來營教練並將據派管轄各員以及估計旗幟號衣一切數目敬繕清單恭呈  
御覽一面擇於十二月初四成營開練在營各官弁兵丁亦卽於是日起支津貼得 旨著移交馬玉崑  
督飭認真訓練務成勁旅單二件并發○已亥諭岑春煊奏候補五品京堂陳光弼認墊鉅款延不交納  
現在赴京請飭回川如數籌交等語陳光弼認交之款何以延不交出現在該員是否到京抑或在途著  
吏部及沿途各督撫傳知迅速回川卽著岑春煊勒令交清以重商務○裕綱等奏接據達賴喇嘛咨稱  
前次革辦第穆呼圖克圖一案所有查抄第穆寺院莊田財物等項均由商屬供差僧俗經營除向來應  
給經費口食照舊撥給外其餘概作念誦 大皇帝及我達賴改教清平經典之需茲據噶布倫等具稟  
輪流派人或恐間有朦混應請仿照補放營官之例奏明予以頂戴庶免外人覬覦查第穆寺莊仔陽等

處地方恩派僧俗八名仔仲七名東科爾三名分別請定六七品頂戴俾於教務經費兩有裨益至各經營之人非比商上舊有營官並無執法治罪之事咨請妥爲奏明等由前來奴才等查第穆案內家產原由商上抄入前經奏明在案現在達賴喇嘛擬設僧俗仔仲經營咨請奏明 賞給頂戴不過番屬虛榮且與向來例設大小營官有別自應據情奏懇 天恩賞准得 旨該衙門議奏單併發○王寅外務部奏山東巡撫周馥奏修濬小清河以便行輪並酌撥公款一片光緒二十八年十二月初二日奉 硃批外務部議奏欽此欽遵由軍機處鈔交到部查原奏內稱此次查勘小清河上自濟南省城郭外起下至羊角溝出海止長四百八十里寬約數丈十數丈深二三四尺不等清水漣漪行船極便惟屢被黃流衝決淤墊商民病之現洋商欲在小清河行駛輪船並擬代籌濬河之費尙無成議查內河行輪章程不論華洋未便阻止而修河之資借助他國既難會商豈一誠恐流弊滋多擬飭令商務局招商集股購造船試行如股本不足准其華洋合夥至應備修濬小清河工款十餘萬兩擬於現辦牙帖捐輸等款內酌量湊用等語臣等伏查交涉之義首重主權該撫議修小清河工程即在本省籌款不欲借助洋商洵有遠慮惟購造船若准華洋合夥誠恐各國於內地各處紛紛效尤益滋流弊本年九月間前議商約大臣盛宣懷因英約改訂內河行輪章程欲爲收回利權之計擬招集華商創設內河輪船招商局先購淺

水輪船試辦曾經電奏在案該省自可仿照辦理毋庸招集洋股以重主權如蒙 俞允卽由 臣部咨行山東巡撫遵辦得 旨如所請行○癸卯諭山東學政尹銘綬奏優生謀通關節大員私函請託據實糾參一摺據稱去年七月補考優貢有高唐州優廩生郝祖修持協辦大學士禮部尚書徐卹私函干謁等語考試關防嚴密徐卹竟爲該廩生私函囑託著交部議處尹銘綬事隔年餘始行舉發迹近報復著一併交部議處郝祖修著撤銷舉人耶中以爲警私釋弊者戒該部知道○諭前因電務爲軍國要政應歸官辦已諭令袁世凱張之洞籌導商股將各電局悉數收回候派大員經理著卽派袁世凱爲督辦大臣直隸布政使吳重熹著開缺以待耶候補派爲駐滬會辦大臣該局改歸官辦之後其原有商股不願領回者均准照舊合股朝廷於維持政體之中仍寓體恤商情之意該大臣等務當統籌全局認真辦理將從前積弊一律剔除以期上下交益○調周浩爲直隸布政使○甲辰諭軍機大臣等翰林院侍讀王榮商奏請開米禁一摺據稱閩浙兩省人稠米少每年仰給江蘇販運接濟若准循照向章令閩浙米商前赴江蘇仙女廟等處採買可以兩獲其利等語著張之洞恩壽體察地方情形酌量辦理仍嚴禁奸商私販出洋以重民食原摺著鈔給閱看將此各諭令知之○諭端方奏查明湖北各縣州縣被淹受旱輕重情形懇恩分別緩徵新舊錢糧一摺湖北本年夏間川襄江漢同時盛漲低窪田地悉被淹沒入秋後亢

賜過久雨澤愆期收成失望若將應徵錢糧照常徵收民力實有未逮加恩蠲照所請將被災之咸甯等  
各屬州縣村莊應徵新賦錢糧等項并原緩節年銀米分別輕重情形展緩徵收另摺奏咸甯等各屬州  
縣應徵漕糧請緩徵收等語著照所請一併分別緩徵以紓民力○諭著書等奏查明八旗戶口餉項開  
列清單並酌擬章程八條呈覽一摺八旗收支錢糧日久弊端百出經著書等派員切實核對將戶部放  
餉各旗領餉各冊按月比較列表並擬定章程著各該旗都統等務即按照認真辦理毋令積久又成其  
文○刑部尙書黃恆以病免○以榮慶爲刑部尙書調桂春爲倉場侍郎景瀧爲戶部左侍郎○以吳引  
孫爲甘肅新疆布政使○以色楞額爲正紅旗漢軍都統○乙巳諭軍機大臣等有人奏順天府治中孫  
壽臣庸劣貪污鑽營干進據實糾參一摺另片奏前署通州知州吳兆穀嗜好甚深公務廢弛任用匪人  
聲名愈劣請一併飭查等語著袁世凱按照所參各節確切查明據實具奏毋稍徇隱原摺片均著鈔給  
閱看將此諭令知之○以鐵良署兵部左侍郎尹琦爲刑部右侍郎○以程儀洛爲廣東按察使○調免  
江蘇長洲等二十七州縣浙江仁和等二十三州縣甘肅金縣等十一州縣錢糧○丙午前德國使臣克  
林德記念碑坊已於前月間由德使臣前往致祭其碑文曰德國使臣男爵克林德駐華以來辦理交涉朕  
英倚任乃光緒二十六年五月學臣等因

林德記念碑坊

德使克林德華往致祭其碑文曰德國使臣男爵克林德駐華以來辦理交涉朕

其倚任乃光緒二十六年五月舉國

作亂該使臣於是月二十四日遇害朕甚悼焉特於死事地方勅建

石坊以彰金石並表朕旌晉懲惡之意凡我臣民其各懲前毖後無忘朕命○予故河南光州知州孫叔謙列入國史循吏傳○貽穀等奏察哈爾左翼旗地奉 旨會同開辦奴才貽穀前在張家口時以該各旗之土地肥磽界域廣狹與已墾未墾可留可放情形必須逐加查勘方可切實核辦當擬由奴才魁福親帶員弁人等出口周歷一面就張家口設局開辦曾經奏明在案現在奴才魁福已周行鑲黃鑲白正白正藍四旗界所並其間三王公馬廠臺驛牧地均已一併勘明回口查得該四旗可墾田畝以鑲黃正白爲上鑲白次之正藍又次之土性差遜於右翼而地數有加私墾較少於右翼而弊端相似奴才等核其情勢與右翼無甚歧異此次既推廣開辦同時並舉仍應事歸一律以免參差查右翼墾地現章以三百六十弓爲一畝百畝爲一頃五頃爲一號每畝收押荒銀二錢辦公銀一錢於辦公一錢之內以六分作局所經費四分作紫旗協同辦墾公費其升科正項無論係王公馬廠及各旗墾地每畝均徵銀一分四釐遇間每兩加銀三分每正銀一兩隨徵耗銀五分王公馬廠每畝徵私租銀四釐由該地主向官領取其各旗荒地每畝亦收歸公號租銀四釐另款收存專備辦理一切善後事宜之用若升科年限分別已墾未墾已墾之地於收繳押荒之次年升科新放未墾之地則於繳納押荒後試墾三年再行升科並徵解升科糧銀應需傾鎔火耗解費每畝准予加收銀二釐一毫以示限制此右翼墾務現行大概辦法



左翼可仿照施行無須另行變通者也至蒙難宜恤左右翼亦復相同仍請 恩准酌予各該旗官弁兵丁隨缺地畝及公共牧廠俾資常年養贖他如舊墾之宜清地畝之宜去押荒之宜定期催繳歲員之宜酌調派差私費則概予捐除支應則力求撙節一切應行隨時隨地體察商辦之處奴才等前於會奏右翼辦法摺內業經詳陳利弊仍當督飭局員認真籌辦以期東西一律就緒廣濟利源得 旨著照所請該衙門知道○丁未諭升允奏陝省災後情形暨本年報災各州縣分別輕重酌籌賑撫緩銀糧一摺陝西臨潼等八縣被災較重其富平宜君二縣亦被蟲被雹若將應徵銀糧照常徵收民力實有未逮加恩著照所請所有臨潼富平等十縣災地銀糧准其按照單開數目分別蠲緩以紓民力○追予故提督和耀曾建祠戰功事蹟交國史館立傳○戊申諭本日太僕寺少卿陸恩奏保經續特科一摺特科之設前經降旨飭令各部院堂官及督撫學政各舉所知出具考語切實保薦近來京卿紛紛奏保如三品京堂之光祿寺卿曾廣漢太常寺卿陳兆文國子監祭酒王琿等所保朝廷從寬存記茲該少卿又復率行保薦此端一開必至漫無限制陸恩所保著毋庸議並將太常寺少卿李耀英前保一併撤銷嗣後保薦人才務當格外慎選核實舉薦毋得稍涉允濫○己酉諭軍機大臣等理藩院奏喀爾喀親王那彥圖呈請賞還牧地招佃墾種據情代奏一摺已降旨依議矣此項牧地雍正年間賞給該親王之祖策凌用酬

勞勩與別項牧場不同著貽穀查明該親王牧地令其自行招佃墾種以恤艱艱他處不得援以爲例將此諭令知之○諭順天府奏各省歷次備荒經費請飭速籌清解各摺片順天應需賑撫各款向恃各省籌解備荒經費近年各省欠解甚多竟有絲毫未解者現在需款孔亟著各該督撫將前欠解銀兩迅速清解其湖南漕折銀兩應自本年爲始按年報解不得稍有帶欠以濟要需○諭趙爾巽奏查明太原等屬州縣被災各屬請蠲緩新舊錢糧開單呈覽一摺山西太原等屬州縣連年災歉本年夏秋又復被旱被雹被霜被蝗被霧田畝受傷收成均形歉薄若將應徵錢糧照常徵收民力實有未逮加恩著照所請所有太原等四十五屬州縣均著照勘明被災輕重情形將應徵新舊正雜錢糧分別蠲緩遞緩以紓民力○諭張人駿奏查明豫省河內等州縣被災情形請分別酌緩新舊錢糧開單呈覽一摺河南上年秋冬之交雨雪稀少二麥本未豐種入春以後被風被旱被雹被淹各屬秋禾又復受傷收成均形歉薄若將應徵錢糧照常徵收民力實有未逮加恩著照所請所有河內等州縣所屬各村莊均著照勘明歉收情形將應徵帶徵新舊錢糧分別緩徵遞緩以紓民力○趙爾巽奏督省連年以來師旅飢饉業成彫敝之區現今公約賠款歲增九十萬兩已苦難籌而口外教案刻已議結復增鉅款更將應付無從再四思維徒嗟仰屋伏查戶部前奏籌款六條於煙酒兩項原有加倍抽收之議准直隸督臣咨奏准燒酒一項

每斤增抽十六文自應查照試辦當經分行司局一體遵照妥議詳辦去後茲據籌餉局司道詳復查  
酒稅曾經先後奏明每斤共徵制錢五文各在案查前定收數過微不足以裨度支況管庫本有所貯近  
年新辦洋欸與一切舉行之新政需欸苦於難措俱窮入者祇有此數出者驟然加增亟應多方設措而  
求其有裨國計無累民生者則煙酒加稅亦爲一端嗣後每酒一斤再行加抽十一文合前抽五文共湊  
稅錢十六文亦如直隸所捐之數其水旱煙稅每斤前抽八文再行加抽四文綿煙前抽十六文再行加  
抽八文準此試辦雖係取之於商實可加之於價於商實無所損卽在食戶於嗜好中多費鋪銖亦復何  
吝此部議所謂重徵尙無妨礙者也應於二十八年十二月初一起通飭一律試辦等情詳請具奏前來  
奴才查營直爲接壤省分事同一律亦應仿照辦理一體加收於餉需不無裨補亦不致有所擾累惟查  
煙酒兩項去年曾經查報加徵乃價數雖增而銷數或減通年合計收數仍屬無多固由元氣未復年穀  
未豐亦由於商賈之隱報印委之含糊現經奴才派員赴釀酒各屬查產煙處所會同地方官認真親詣  
城鄉集鎮逐戶挨查不准視為例差務使按戶查數按斤加價毋任奸僧巧取厚利致有以多報少各情  
弊旋據該印委等先後稟報前來奴才查其增多課稅者分別記功任聽商人飾詞捫塞者分別記過仍  
飭重查如係實在市面蕭條者准據現數核實報徵俟明歲年成轉豐續行查辦以後卽令地方官按年

查報增減之數統俟解有成數再行報部立案惟查督省現正籌辦宣布教化興辦工藝廠自新所各要政必須預籌經費方能切實施行此項新增煙酒加課於民無擾擬懇 天恩准以一半添抵賠款一半提作宣化各項經費實於風俗人心大有裨益下戶部知之○庚戌以誠勳爲安徽巡撫趙爾巽爲湖南巡撫○辛亥以滇軍出境則辦會匪出力予道員魏景桐等升敘有差○壬子諭吏部奏遵議處分一摺協辦大學士禮部尚書徐卣帆用私兩關託各實難辭惟念該尚書在南書房行走宣力有年應准革職處分著加恩改爲革職留任山東學政升銓經事後舉發各亦應得惟該學政平日考試尙能認真應得降調處分著加恩改爲降三級留任嗣後大小臣工務當恪守官箴廉隅自勵勿謂寬典可倖邀也○以吳廷斌爲山西布政使調豐紳泰爲山西按察使以黃雲爲甘肅按察使○調樊增祥爲浙江按察使以許涵度爲陝西按察使○癸丑刑部奏 朝廷整飭庶務迭經 諭令各衙門一切公事務求簡明無弊臣部業將應行變通各事宜咨山政務處奏准施行近復欽奉 特旨纂修則例遇有繁冗瑣屑易滋流弊者固應量加刪改而現行例中累官累民不可不亟予釐定者尤莫如秋審人犯查辦留養一事查例載秋審查辦留養承祀之案如距省在八百里以內府州所屬者由該督撫督同臬司親提犯屬屍親族鄰人等逐加研訊係親老丁單如孀婦獅子方准查辦倘親屬實在老疾不能就道者州縣查明稟請督

撫巡道府大員前往就近查訊取其供結詳報督撫臬司覆核辦理其距省在八百里以外府州所屬及正犯例不解省向由該管巡道審轉者卽由該管巡道就近提齊犯屬屍親族鄰人等查取供結詳辦等語推原例意係爲嚴防假捏起見故不憚輾轉周詳以昭慎重惟是各省辦理此事每年二三月間卽由司道行府州由府州行州縣以兇犯之故致屍親族鄰紛紛提質其間本犯之營求書差之需案解省則有道途往來之費委員查訊則有車馬供應之繁種種累官累民實所難免准留者猶尙可言不准留者徒多一番滋擾且假捏與否地方官見聞切近虛實易於訪查情僞便於舉發以視遙遙提訊何如各專責成簡而易行臣等公同商酌擬請嗣後查辦秋審留養承祀人犯毋庸預爲行查應俟本年秋季朝審臣部會同九卿核定後卽先將此項人犯分別准留不准留開單具奏恭候 欽定不准留者無庸查辦以省繁文其准留犯人卽照軍流徒人犯留養例由臬司飭令各該管州縣就近取其犯屬屍親族鄰甘結加具印結申詳該督撫覆查屬實一面將取其各結報部一面卽飭令該州縣將該犯照例枷責存留養親如有虛捏情事別經發覺將該州縣及捏結之親屬人等分別照例議處治罪如此豈爲變通在准留者仍得早沐 恩施不准留者亦可免受拖累庶於交繁就簡之中仍不失核實辦公之道倘蒙 俞允臣部卽通行各省一體遵照辦理並飭派出修例各員卽將此條纂入以資遵守其督撫巡道親提

研訊暨議派道府大員往訊一律刪除其餘例文內如有繁冗瑣屑易滋流弊者謹當陸續刪改奏請  
旨定奪得 旨允行○甲寅 上御中正殿閱跳步札○丙午哈祭 太廟 上親詣行禮○是年德意  
志國使臣穆默回任○荷蘭國使臣克羅伯回國以羅致署理○日斯巴尼亞國使臣葛絲幹回國以  
思理署理○統計出口貨直銀二萬一千四百十八萬一千五百八十四兩進口貨直銀三萬一千五百  
三十六萬三千九百五兩相抵虧一萬一百十八萬二千三百二十一兩凡徵貨稅銀三千萬七千四十  
四兩

光緒一百七十八

臣朱壽朋敬編

臣章士琰恭校

光緒二十九年癸卯春正月丁巳朔丑刻 上詣 奉先殿行禮辰刻 慈福端佑康頤昭豫莊誠壽恭

欽獻崇熙皇太后御皇極殿 上率王公百官行慶賀禮已刻御中和殿受禮太和殿受賀午刻詣 大

高殿 壽皇殿行禮停止筵宴○諭明歲恭逢 慈福端佑康頤昭豫莊誠壽恭欽獻崇熙皇太后七旬

萬壽仰維 懿德普被寰區慶治敷天歡應率土允宜殊恩特沛加惠藝林著於本年舉行癸卯恩科鄉

試明年舉行甲辰恩科會試其癸卯甲辰正科鄉會試即歸併內午丁未科舉行俾茲多士怵舞觀光用

副朕錫類延 盛壽世作人至慈該部即遵諭行○己未 上詣 奉先殿 壽皇殿行禮○諭朕恭奉

慈福端佑康頤昭豫莊誠壽恭欽獻崇熙皇太后祇謁 西陵於三月初八日啟鑾著各該衙門敬謹

預備其由京啟鑾及經過地方一切務從簡省所有經費著袁世凱核實撙節准其作正開銷絲毫不得

攤派民間以免擾累其餘隨扈各事宜著御前大臣軍機大臣內務府大臣隨時核議請旨遵行○蠲免

兩浙被災場墾蕩田錢糧○庚申蠲免山東濟甯府等州縣錢糧○甲子時享 太廟 上親詣行禮○

乙丑 慈禧端佑康頤昭豫莊誠壽恭欽獻崇熙皇太后 皇上御乾清宮美國使臣康格比國使臣姚士登義國使臣噶釐納韓國使臣朴齊純法國使臣呂班日國署使臣賈思理奧國護使臣葛爾士大西洋國署使臣阿梅達日本國署使臣松井慶四郎英國署使臣壽訥理俄國署使臣柏蘭孫和國署使臣歐登科觀見賀年○丙寅安徽布政使員鳳林因病乞休允之以聯魁爲安徽布政使濮子潼爲安徽按察使○丁卯諭張之洞奏統兵武職大員被控收受統貨拖累斃命各情訊明請旨懲處一摺統領新洲營湖北鄖陽鎮總兵陳基湘以專閫大員收受統貨迫被人告發率行挾忿拖累羈押斃命僅予降補都司不足蔽辜陳基湘著卽行革職以昭炯戒而肅軍政○諭刑部尙書榮慶著會同張百熙管理大學堂事宜務當和衷商辦認真經理○理藩院尙書阿克丹卒予祭葬賞其子員外郎海銀以郎中卽補○以奎俊爲理藩院尙書○以載振爲鑲藍旗漢軍都統○戊辰以鄧正峯爲湖北鄖陽鎮總兵○辛未祈穀於上帝○上詣 大高殿 奉先殿行禮○增祺奏泰省有自然之大利三曰荒曰礦曰鹽荒與礦已漸次推行而鹽務亦宜及時整頓俾財用不至匱乏奉天鹽斤向無抽收光緒三年因練兵需餉前將軍崇厚始經奏定每鹽一石重六百斤抽東錢二千四百文光緒八年前將軍崇綺等以餉不敷用奏請加抽東錢二千四百文均以二成作爲經費八成歸公是爲練兵之款又光緒十七年戶部籌餉案內奉天



鹽務於每石現收四千八百文之外另再加抽東錢二千四百文是爲解部之款光緒二十四年八月將軍依克唐阿等添抽東錢一千二百文是爲學堂之款自有鹽煎遞抽遞加歲收銀二三十萬兩不等祇二十三年收至五十萬兩自金州屬地及復州之三官廟鹽灘劃入租界歲僅收四十餘萬兩奴才增祇於二十五年夏間蒞任以來頻經查詢按東三省銷鹽人數約略估計歲收當不止此然鹽灘濱海斷續千數百里海船隨在皆可裝駛秋冬車道暢行路路可通決非七八局卡所能周顧是鹽鹽收數之絀其弊尤在於散漫無稽而不肖員司丁役侵蝕中飽更無論矣本早欲改歸官督銷以盡其利時當甲午兵燹之後民困未蘇而旅大租界繼之田大成及拳匪之亂又繼之營口一日不復創設卽諸形窒礙緣奉省產鹽之區東至岫巖西迄營口均以營口爲樞紐該處銷行暢旺車船率於是乎輾轉運殆水陸之總匯也茲該處收復有期而用度浩繁又數倍從前與其填碎羅掘徒資紛擾仍不如就鹽利之自然者大濬其源以紓公家之急攷唐臣劉晏於出鹽鄉因舊鹽置史亭戶耀商人縱其所之去鹽速者有常平鹽每商人不至則減價以糶民官收厚利而人不知貴往跡煌煌載在史志確有明證準今酌古施之他省或未協施之奉省適爲對證之良方何者他省鹽有一定行引額課並丁糧相沿已久未易猝更奉鹽不過與百貨釐金票鹽一例耳視他省迥不相同故更張尙能操縱在我擬請營口設一督銷總局於蓋

平復州帥嚴廣寧家屯錦州甯遠等處之鹽卽報各該分局查核照時價公議准價報總局核覆懸牌收發不准灘戶與商人私相授受灘戶不足者官量爲估墊勒限以鹽抵償定二百二十斤一包用席包捆固蓋印奉天督銷官鹽字樣入倉定一石五包除鹽本運腳及向抽派捐八千四百文之外再按每斤加抽制錢四文凡購鹽者價稅並納之後發給三聯稅單過局卡驗票放行其運往何處售銷一概不問總局則多儲鹽倉以便各分局之積鹽運彼存儲售銷亦如各分局此卽劉晏因積鹽置吏亭戶糶商人縱其所之之意也又於通江口添一分局每年開凍後由總局陸續用船運鹽至彼供吉林黑龍江蒙古各商購銷之數鹽價祇略加運費須與總局不甚低昂此卽常平鹽也至商少減價旱潦易令則在各該局委員之因應矣將來收歛能否數倍往時固未敢必想亦無甚減少昔湖廣督臣林則徐云銷鹽之暢滯上視天時下視地利而人力不可不盡夫合遠邇貴賤之鹽價而持其平官司糶糴之權勿論旱潦收鹽歉薄奸商不得居奇復有鹽倉鹽包蓋藏收發色淨味佳視向之散堆露積泥沙穢雜忽暢忽滯者利更懸殊似不至爲商民所不與且就灘局收價權稅可杜本省私走以每石六百斤完稅課不過銀二兩四五錢並鹽本計算價比他省猶輕可免鄰私侵灌且令各處局卡按數補徵鹽課如繞越偷漏查獲則全罰入官彼既無利可圖自不肯輕於嘗試然弊在總分局者要不可不防計惟嚴定章程分明徵罰實

成各該管委員認真稽查如司巡灘戶有勾串盜賣等弊惟該局員是問該局員有營私侵漁收多報少之弊立予分別撤參計職論罪現已派員各處體察情形俟明春營口退還卽通飭試辦第利之所在誘議易騰督銷雖意切阜財而跡近壟斷倘奸商不遂搆造浮言如前四川督臣丁寶楨改辦官運代銷引課故事彼時心稍搖惑卽功敗垂成近年屢奉 諭旨振興商務風氣大開人情固不似昔年之錮閉而亦不可不應及也抑奴才等更有請者鹽釐舊章名目太繁應自試辦督銷日始統行歸併總計一年將銷餘利若干收撥若干開支若干據實冊報以歸簡易第值此籌措維艱之際教堂賠款之重迫兵隊的餉之支絀以及舉行新政辦理善後無不待用孔殷合無仰懇 天恩俯念根本重地維持一切在在均關緊要准將試辦督銷所收各款先儘本省截留實用實銷如有盈餘再行酌提解部至於經費應如何核實開支以及一切未盡事宜容隨時察酌情形具奏下戶部核議具奏○壬申周馥奏山東南運河南自嶧縣台莊開起北至臨清州甌板關止舊設開官三十員開夫一千三百數十名專司啟閉以資宣蓄往來商船每過一開向按船隻大小捐繳公費名爲巡河修閘等用實則全歸中飽而不肖員夫留難需索名目繁多商船每過一開竟索錢一千餘至數千不等水小時訛索更多實爲運河一大陋習近雖裁併官缺尙存開官十五員開夫五百數十名積弊如故牢不可破地方狃於成例不敢過問運河爲南北

商船來往要道當此整頓商務之際正宜體恤商情何堪受此荼毒臣此次周歷運河官紳商民咸謂留此允濫員夫實屬有害無利若不改弦更張流弊終難盡絕擬請將山東運河開夫全行裁撤改派委員會同地方官據報紳董與船幫董事僱夫經理仍由委員往來巡查以期積弊一清商民皆便至商船來往本不應收取公費惟濬河修堤以及設立巡船保護商旅正虞款項不足近據各船幫在兗沂道衙門稟請酌定扣數臣已批飭查核稟辦向來船戶過關繳捐久已視同成例但求不格外需索無不踴躍樂輸近年各省水陸碼頭船捐車捐行之無弊運河自可仿辦今擬按照向規大加核減毋庸全行裁免惟不論南北來往開放幾關祇繳捐欸一次免其每關收捐以示體恤濟寧州爲商船會聚之區郵費成該州總司稽查並飭運河工程局道員實延驛會同兗沂道督飭該州傳集該幫船董妥議章程詳請出示立石河干俾官民共知遵守倘於定章之外多取分文卽當盡法嚴懲以挽積習其舊有開官廉俸及開夫工食仍歸至沂道庫收存作爲新設員董夫役工食之用裁缺各員准其對品改歸地方或另指一省於裁缺卽用班內補用免繳離省等項銀兩此外如有未盡事宜再行妥議具奏下部議奏○甲戌諭倉場衙門奏申明定例請行遵行一摺朝廷歲糜糧米糞養旗兵原期實惠均濟俾生計不至竭蹶乃法久滋弊奸商重利放債兵丁私米抵錢實屬大礙旗營生計嗣後各旗應領米石著責成該都統等務

令遵照定例傳集兵丁按名散給如查有售賣抵債情弊各治以應得之罪其查禁不力參佐等官亦照例議處至外三營重利盤剝用米作抵弊端尤甚並著該管大臣一體遵照認真辦理以飭紀律而恤兵艱○駐藏幫辦大臣訥欽以病免○山西巡撫俞廉三以病免○乙亥諭岑春煊奏川省商務礦務請派大員督辦一摺四川商礦各務關係重要仍著黃成岑春煊督辦江蘇候補道鄭孝胥著發往四川隨同辦理○諭前據御史王乃徵奏參甘肅藩司何福堃嗜利營私等款當經諭令崧蕃確查茲據查明覆奏何福堃被參各節或傳聞之誤或事出有因著加恩免其置議伊子捐納四川試用同知何厚慎卽何繪良辦理捐務年少喜事不顧嫌疑何厚慎著交部議處○張之洞奏兵艦爲江防大政擴充整頓尤爲今日要務然無用之船雖有若無欲訂造新式兵船籌款又甚不易必應亟籌良法以顧江防查南洋現有兵輪五號曰寶泰曰鏡清曰南琛曰南琛曰保民運船三號曰威靖曰登瀛曰鈞和蚊船四號曰龍驤曰虎威曰飛霆曰策電皆購造多年機老鋼薄式舊行遲蚊船一項驅策滯滯尤不適用此等師船既不足爲外海制勝之資並不足爲長江守險之用外國兵輪往來長江者甚多每爲竊笑而薪餉煤油及修理各費歲糜巨款實爲可惜若不及早改弦更張以後永無振興之望經臣督同籌防局司道詳加商酌除寶泰鏡清兩兵輪威靖登瀛兩運船機輪較勝應仍用以備巡緝外其南琛南琛保民三兵輪龍驤虎威

飛霆策電四蚊船擬卽一律裁停鈞和一輪本係上海商捐作護商之用仍發還令商人自養此外備差小輪察其無用者亦酌量裁撤約計所停各船合薪糧煤油修理雜費歲可節省銀二十萬兩由籌防局專款存儲無論何事不得擅動以十年計之可得銀二百萬兩卽以此款另向外洋有名船廠定造長江淡水新式快船數艘大約裁停廢船七艘可購合用新船六七艘限三年內造齊並訂明分年付價以免另籌巨款而年半之後卽有新式兵船可資長江巡防之用至裁停廢船令其酌量變價湊備新船經費以免看守虛糜似此化無用爲有用於籌防之道較有實際得旨著照所請該部知道○丙子以張曾敭爲山西巡撫陳瑞爲四川布政使○外務部奏光緒二十八年十月二十六日准軍機處鈔交浙江巡撫任道鎔奏紳商承辦礦務改定章程一摺奉 硃批外務部議奏欽此嗣於十二月初一日准浙江巡撫將章程咨送前來查原奏內稱光緒二十四年浙省紳商高爾伊請設立浙東寶昌公司開採衢嚴溫處煤鐵等礦向義國惠工公司商人沙鏢納代款銀五百萬兩訂立合同並取義國公使薩爾瓦葛保款單擬議開辦章程稟經前撫臣廖壽豐據情具奏奉 硃批著統轄礦務鐵路總局大臣會同總理衙門妥議具奏欽此嗣經路礦大臣覆奏以高爾伊所擬礦章與奏定通行章程不符應令妥籌釐正奉 旨依議欽此咨行到浙當經轉飭去後茲據該紳商候選道高爾伊於原請承辦浙東衢嚴溫處各礦外又

請兼辦浙西杭湖兩府礦務當飭將前擬章程查照部定新章重加釐訂並將昔年與惠工公司原訂貸款合同及義使保款單呈驗稟請奏咨前來查浙省所產煤鐵等礦多有苗匪竊竄之虞若能集資開採得人經理自足開闢利源惟本年二月間部定新章凡開辦礦務應由外務部核奪知照礦路總局後准俟發出准行執照方可開辦今該紳商貸款請開各屬礦產自應遵照辦理等語臣等查候選道高爾伊擬設寶昌公司向義商沙鐸納訂借銀五百萬兩請開浙省衢嚴溫處各屬煤鐵礦產稟山前任浙江巡撫廖壽豐奏奉 諭旨飭交路礦總局會同總理衙門議奏當經路礦大臣以高爾伊所擬章程核與礦章不符應令妥籌釐正等因該覆在案今該員復申前請併於衢嚴溫處外又請兼辦杭湖兩府礦務查杭湖兩屬雖為前撫原奏所已及然祇為將來推廣之計並非同時興辦現據該員所擬章程二十條其第一條係指六屬礦務並將原奏未及之煤油礦產任意列入經臣等酌核改定將杭湖兩屬礦務及煤油礦產一併剔除擬令該員專在衢嚴溫處四府境內指明煤鐵礦山數處繪圖貼說呈報地方官查無窒礙咨部核准先行試辦不得預估該四府全境如將來辦有成效准其設法推廣仍不越衢嚴溫處四屬以清界限其餘各條與臣部奏定新章均屬相符應請准如所擬辦理茲將章程繕具清單恭呈御覽如蒙 俞允即由臣部咨行浙江巡撫轉飭該員與義商沙鐸納訂立合同依限開辦如有遲迴即

將合同作廢以符定章得 旨允行○外務部奏光緒二十八年十二月十六日准軍機處鈔交出使韓

國大臣許台身奏派駐漢城總領事差滿遵章請調幹員充補一摺奉 硃批外務部知道欽此欽遵到

部查原奏稱韓國漢城地方爲各國商民雜居之所僑寓華民約有三千人貿易較盛交涉甚繁時有

華民控訴案件而附近各外道郡縣隨處皆有華人尤須不時稽查約束是以駐紮漢城總領事一差公

務頗爲喫重現充漢城總領事俾良弼已屆三年差滿明春恭值會闕稟請銷差回華補應擬試自應調

員接辦謹遵章咨請外務部揀選精明穩練諳習條約律例之員飭派來韓委充漢城總領事官俾資指

臂之助等語 臣等查政務處奏 臣部章程內開郎中員外郎主事可備參贊領事隨員之選三年期滿

准由出使大臣請獎又 臣部議覆直隸總督袁世凱奏變通 臣部及出使人員章程摺內稱隨使人員應

先由外務部司員內咨送調充均由出使大臣奏請黜陟并以舉察之權方獲贊襄之效各等語迭經奉

旨允准欽遵在案今出使韓國大臣許台身以駐紮漢城總領事一差公務繁要遵章奏請由 臣部揀

員派充係爲慎重交涉起見自應准如所奏辦理茲查有花翎四品銜 臣部候補郎中陳本仁年力富強

才具明敏堪以派充漢城總領事如蒙 俞命卽由 臣等劄令該員遵照前往仍候該大臣飭知任差過

事秉承經理以期妥協三年差滿辦事如能得力應由該大臣查照 臣部奏定專章請獎用示鼓勵得



有如所請行○以馮煦爲山西按察使○丁丑趙爾巽奏查接管卷內承准軍機大臣字寄欽奉 上諭  
慶親王奕劻等奏督辦鐵路礦務請飭開辦以保利權一摺著遵遵股實公正紳商妥爲籌辦以免利權  
旁落等因欽此欽遵轉行到晉當經升任撫臣岑春煊轉飭布政司洋務局農工局妥議去後竊維晉省  
礦脈深厚甲於環球西人遊歷所屬測繪所及至謂苗綫平衍星羅棋布多至十三萬餘英里而山河四  
塞又非鐵路無以爲轉運之方轉運之利此山西路礦所以爲外人之所覬覦若不亟早籌維誠有如  
原奏所慮利權旁落不能操縱自如者茲承 訓諭仰見 睿慮精深先事豫防之至意跪聆之下欽佩  
莫名惟是晉省路礦自與華俄銀行福公司立約借款以後已肇外人窺伺之端而近來時局變遷復有  
逐漸擴充之勢正太鐵路現經督辦鐵路大臣盛宣懷與華俄銀行更訂合同派員來晉開辦較之原訂  
合同種種受虧不勝枚舉查前奉光緒二十八年十一月十四日 上諭各處開辦鐵路關繫重大盛宣  
懷如與他國公司議立各項合同條款著先由各督撫核定始可簽押以期周密而免疎誤等因欽此足  
見鐵路條款其得失之所判利害之相關非各該省之督撫不能明晰 聖慮所及何等精詳無如正太  
合同定議在先奉 旨有在後約款已就夫復何言至礦務之關繫較鐵路爲尤巨若不卽爲籌畫必至又  
蹈覆轍查福公司前在總署所訂承辦山西礦務合同第一條載明專辦孟縣平定州潞安澤州與平陽

府屬煤鐵以及他處煤油各礦等語是福公司所辦之煤鐵僅止平孟潞澤平陽府而止雖他處二字漫無限制然係僅指煤油而言其餘煤鐵金銀銅鉛各種礦產以暨平孟潞澤平陽府屬之金銀銅鉛等項礦產均不在福公司認辦之內應由晉省另行招商承辦當經奴才與司道等籌商議設礦務公司廣集商股無論本省外省各富商凡願有意附股或指定一處認定一礦者均准於該總公司報明呈驗股本妥定章程核准辦理茲據司局詳稱遵即招商設立公司請予奏明開辦復據督紳內閣中書渠本翹常棣華翰林院庶吉士蔡侗刑部郎中楊履晉吏部主事李廷麗戶部主事谷如塘工部主事成連增直隸候補道黃崇仁前甘肅平涼府知府龍興直隸試用知府曹潤堂江南卽用知縣李作楷舉人常麟書等聯名稟稱願籌集股本設立暨督礦務總公司前來奴才竊查前撫臣胡聘之奏設商務局本擬招集晉商股本籌辦礦路並工藝各業以涪利源祇以設局期年迄無應者遂有招借洋本與義俄各商訂約之事時至今日外交愈棘時局愈難在彼則日充其勢力之範圍在我則日困於因應之乏術該紳等懇前赴後亟願籌資集股力保礦權實為晉民留一綫之生機並為大局泯無窮之隱患自應趕飭將晉省礦產除福公司認辦各礦外均准歸該總公司承辦應先請 旨飭下外務部礦務總局立案嗣後無論何項公司呈請認辦晉礦者均須先儘該總公司辦理不得率准實與晉民大有裨益得 旨外

務部路礦總局知道○庚辰諭三載考績爲國家激揚大典京外滿漢諸臣有能恪供職守勞勩最著者允宜特加甄敘以示優異茲當京察屆期吏部開單奏請朕詳加披閱總理外務部事務慶親王奕劻夙矢公忠勩勞懋著著交宗人府從優議敘大學士榮祿王文韶戶部尚書鹿傳霖外務部尚書翟鴻璣同心襄贊矢慎矢勤均著交部議敘直隸總督袁世凱湖廣總督張之洞署理四川總督岑春煊盡心規畫勞怨不辭均著交部議敘○諭餘慶三奏報解湖南本年頭批京餉一摺摺內漏報銜名實屬異常疏忽著傳旨申飭○辛巳以景厚爲盛京禮部侍郎○以桂霖爲駐藏幫辦大臣○調銑爲理藩院右侍郎溥頤爲戶部右侍郎儒林爲盛京刑部侍郎○乙酉諭朕於三月初八日恭奉 慈禧端佑康頤昭豫莊誠壽恭欽獻崇熙皇太后祇謁 西陵於初九日節屆清明朕恭詣 慕陵行數土禮並恭詣 隆恩殿行大饗禮所有應行典禮著各該衙門敬謹預備

二月丁亥以迭次拿獲廣東匪予參將何天祥等升敘有差○戊子祭 社 稷壇 上親詣行禮○諭潘效蘇奏查明新疆被災地方請豁免糧草一摺上年六七月間新疆鎮西廳被雹疏附縣地震尤重業經飭令查勘災區輕重妥籌撫恤茲據查明被災情形深堪憫惻所有該廳州縣應徵糧草著加恩一律豁免以紓民困該部知道○己丑諭兵部奏請派員查閱直隸等省營伍一摺近來查閱營伍已成具

文現當變通軍制之時尤應力求實際嗣後各省均著暫緩查閱仍著該督撫隨時認真整頓加訓練俟有成效再行特派查閱用示朝廷實事求是之至意○予廣西剿匪陣亡知府周繼仁祭葬世職○辛卯 上詣 大高殿祈雪○以溥良署刑部尚書徐鼎署兵部尚書楊佩璋署吏部右侍郎○癸巳諭世鐸等奏倭林保任意偷安再行嚴參一摺內廷當差人員應如何勸懲趨公無曠職守乃近來值班各員動輒請假實屬不成事體至委散秩大臣倭林保前經領侍衛內大臣以該員玩誤要差奏參當經降旨交部議處現復傳差不到任意違玩尤屬荒謬倭林保著開去委散秩大臣差使並交部嚴加議處以儆其餘嗣後各該員等務當振刷精神力圖奮勉毋得仍前玩泄自干咎戾○乙未祭 關帝廟 上親詣行禮○以印啟為內閣學士○諭朕於三月初八日啟鑾後著派慶親王奕劻協辦大學士戶部尚書崇禮吏部尚書敬信張百熙四人分日輪班在內值宿不值宿者於申刻散值敬信著俟啟鑾後著理步軍統領每日進內辦事毋庸值宿午刻先行散值○諭此次祇謁 西陵除軍機大臣照例隨從外其餘部院各衙門著派世續徐卬為寶華奎俊陸潤庠繼祿景澧湯興貴昌印啟隨扈其餘各衙門均毋庸奏請簡派至內務府各司處人員亦著從簡揀派以歸省約○丁酉諭德壽等奏革員虧欠銀米延不完解請旨監追查抄等語廣東已革候補知縣劉駿聲前署新安縣任內虧欠正雜欸銀三千二百餘兩米四

百餘石迭經雇催未解竟敢私行離省殊屬玩延該革員籍隸江西著柯逢時查明如已潛回原籍卽行拿解赴粵監追並將家產查封備抵仍著德壽等查明該革員歷過任所有無寄頓資財嚴密查封照例辦理○以聯芳爲外務部右侍郎○庚子袁世凱等奏國無強弱得人則興時無安危有才斯理誠以人才者國家之元氣治道之根本譬猶饑渴之需食飲水陸之資舟車而不可須臾離者也中國今日貧弱極矣大難日乘外侮日倡振興發達正在此時然而諸務未遑求才爲亟無人才則救貧救弱徒涉空談有人才則國富國強易於反掌進言者皆曰天下非無人才也求之於臨時則不見其多儲之於平日則不患其少儲之維何學校是已在昔三代盛時庠序之制大備教育之法綦詳人鮮失學士多成材以故俊彥蔚興政修事舉近今東西洋各國其文明愈著者其學校必愈多自通邑大都以逮窮鄉僻壤幾於無地無學自文事武備以逮薄技偏長幾於無事無學凡國民自七八歲以逮十二三歲謂之學齡有不學者罰其父母幾於無人而不入諸學其學有官立者由公家爲之籌經費有民立者由民間爲之饋贍財舉國上下人人皆以興學爲務而其造士也於此其選士也亦必於此因其所習而試之以事考其所能而授之以職事無不治職無不舉以故賢智輩出而國家日進於富強由是觀之致治必賴乎人才才必出於學校古今中外莫不皆然夫固人人能知之亦人人能言之矣欽維我 皇太后 皇上宵旰

焦勞求賢若渴 詔各行省普立學堂後申諭以敦促之並 敕政務處明定學生出身又令新進士悉就學堂肄業 宸謨深遠洞見本原竊與海內敬教勸學薄海臣庶固宜仰體 聖意協力齊心奉 命承流爭先恐後矣乃 朝廷屢頒 明詔以相期天下亦知當務之爲急而起視各省大率觀望遷延否則敷衍塞責或因循而未立或立矣而未備推究其故則曰經費不足也師範難求也二者固然要不足爲患也其患之深切著明足以爲學校之敵而阻礙之者實莫甚於科舉蓋學校所以培才科舉所以掄才使科舉與學校一以則學校將不勸自興使學校與科舉分途則學校終有名無實何者利祿之途衆所爭趨繁重之業人所畏阻學校之程期有定必累年而後成材科舉之詭弊相仍可僥倖而期獲售雖廢去八股試帖改試策論經義然文字終憑一日之長空言究非實誼可比設有年少薄植之輩未嘗學問小有聰明或泛覽繙譯之新書或涉獵遠近之報紙亦能侈口而談經濟挾策以干功名而宿學舊儒皓首窮經篤守舊說者反不能與之角勝坐視其速化以去人見其得之之易也羣相率爲剽竊鈔襲之學而不肯身入學堂備歷艱苦蓋謂入學堂亦不過爲得科舉地耳今不入學堂而亦能得科舉且入學堂反不能如此之驟得科舉又孰肯舍近而圖遠避易而就難不但此也學校者雖由 國家提倡之實由士民樂成之也東西各國公私大小學堂多者不下數萬處如必皆由公衆籌款建立安得如許經費

大抵高等教育之責國家任之普通教育之責士民任之惟其衆舉是以事舉中國非無變時之士也而紳民不聞創建學堂者亦以舉情注重科舉父兄以是勸子弟鄉黨以是望儕儷但使榮途不失何暇遠慮深謀故不獨不肯創建學堂且併向來貢興公車等費亦不能移學堂之用其爲阻礙何可勝言是科舉一日不廢卽學校一日不能大興學校不能大興將士子永遠無實在之學問 國家永遠無救時之人才中國永遠不能進於富強卽永遠不能爭衡於各國臣等誠私心痛之在臣等亦非不知科目取士垂數百年一旦廢之士子必多觖望然時艱至此稍有人心者皆當顧念大局與其遷就庸濫空疏之士子何如造就明體達用之人才且 聖朝亦嘗毅然罷武科矣停捐納矣於人情並無不順而天下羣類聖明況科舉之爲害關繫尤重今縱不能驟廢亦宜酌量變通爲分科遞減之一法昔我 高宗純皇帝右文稽古雅化作人然於學政錢陳羣之請增添中額則責其不知政體於科巨吳燠之請廣收餽科則斥其取悅士類又讀乾隆九年八月 高宗純皇帝聖諭爲治之道貴乎核實一切因循姑息之習皆當痛除近者士風之靡一至於此而好諛之人當國家人文日盛以此加科廣額初不以士習邪正爲念嗣後各省以加科廣額爲請者必加以違制之處分著爲令至議減中額則非衆所樂聞或有士子類皆寒素專精科目出身或有一習舉業則不敢更爲農商謀生無計甚者卽有士心失望或妄生議論或別

生事端者此皆毫無識見之人不知爲政之體要國家科目豈專爲養老恤貧而設若有造言生事者是身投憲網國法具在何能逃於天壤哉夫旁求俊乂本欲量能授官若一味濫取廣收如何可得真才實濟現在解額已多壅滯日甚作何量爲裁減之處著大學士九卿會議具奏等因欽此 聖訓煌煌布在方策搜摘流弊義正詞嚴迄今讀之猶爲慨慷今宜略師乾隆時減裁中額之法擬請俟 萬壽恩科舉行後將各項考試取中之額預計均分按年遞減學政歲科試分兩科減盡鄉會試分三科減盡卽以科場遞減之額酌量移作學堂取中之額俾天下士子會學堂一途別無進身之階則學堂指顧而可以普興人才接踵而不可勝用膠庠所講求者無非實學 國家所登進者悉是真才政教因之昌明百度從而振舉其程功之速收效之宏固有不難如券斯操者至諸生舉貢生員三十歲以下者易於改業可令入學堂三十至五十可入仕學師範速成兩途其五十至六十與夫三十以上不能入速成科者應爲寬籌出路如再科大挑或揀發一次或歲貢倍增其額或多挑膳錄令其入館可得議敘或舉人比照孝廉方正生員比照已滿吏准其考職三年一次分別用爲知縣或佐雜俾免向隅六十以上者酌給職銜其有經生宿儒文行並優而不能改習新學者可爲各學堂經書詞章之師現在捐納既停寒賧之士不患其終無出路應請 敕下政務處核議施行至於遞減中額則請斷自 宸衷決然施行明降 詔旨昭



示天下有阻撓者予以嚴譴務期科舉以漸而盡廢學校橫比而林立上以革數百年相沿之弊政下以培植萬兆有用之人才五洲驚服萬世瞻仰在此舉矣或謂科場年分例不應條陳科場事務今當朝廷銳意求治變通庶政之時似可不拘成例或又謂 詔舉恩科更不應奏請減額然臣等請減額者不過預籌辦法固非敢指 恩科言之原以俟夫 恩科舉行之後考乾隆九年既奉 諭旨明著禁令不准以加科廣額爲請至乾隆十七年二十七年三十七年迭次恭逢 孝聖憲皇后萬壽則又無不 綸音特沛 詔舉恩科並格外 加恩於下第舉子中揀選引 見量予錄用 高宗純皇帝聖訓所謂國家遇大慶則必有殊常之恩者是也蓋舉行 恩科者所以特光 盛典而廣收錫類之宏施裁減中額者所以深維治安而期收得人之實效仁之至而義之盡實並行而不相妨故臣等敢於此時竭其一得之愚以冒瀆天 宸聽也得 旨政務處會同禮部妥議具奏○辛丑祭 文昌廟 上親詣行禮○諭軍機大臣等有人奏江蘇補捐以無錫金匱爲大宗每歲可得四十萬元左右該局委員以多報少朋分肥已開支亦多浮濫去年蘇省禁米出口該局串令奸商繞道出口收受陋規幾釀重案請旨飭查等語當此款絀絀貸之時豈容劣員營私舞弊著恩壽按照所參各節澈底清查據實具奏毋稍徇隱原摺著鈔給閱看將此諭令知之○壬寅諭王之春奏已革知縣經徵錢糧延不解交請飭提解勒追並查封家

產一摺廣西已革知縣盛鴻勳前署賀縣任內虧欠正雜各款銀三千一百餘兩延不批解潛匿無蹤殊屬膽玩該革員籍隸廣東業經王之春查明並未回籍著各省督撫查提解粵勒追並著德壽等將該革員原籍家產查抄備抵以重庫欸○以綽哈布爲荊州將軍○外務部奏光緒二十九年正月十一日熱河都統錫良奏酌擬熱河礦務專章一摺本日奉 硃批外務部議奏單併發欽此當經軍機處欽遵鈔交前來原奏內稱熱河山多田少礦產甚豐近年風氣大開民衆趨之若鶩漸啟爭端若不妥籌良法釐定章程不惟於地方有所不宜卽礦商亦大不利等語查 臣部於上年四月奏定礦務章程係中國辦礦通章業經通行各直省令其一律遵守在案若各處地方情形各有不同由各該管地方官詳慎體察另訂專章與通章相輔而行亦未始非因地制宜之計今該都統所擬熱河礦章四條細目二十四條 臣等逐條細核與 臣部奏定通章尙無出入惟開礦條規第七條所載由官試辦礦產所需成本卽在礦稅項下動支作正開銷等語應令該都統於派員試辦時先行估計徵存礦稅已有若干現擬提撥成本若干咨明戶部核辦以重課款第九條所載蓄有各礦業經封閉若易人承辦自與該商無干等語查礦山經官封閉儲商原不得據爲己有惟所置機器廠屋等件皆係儲商實在成本應令查明若未經抵作官欸又委係尙堪使用者自應秉公核實估計令新商備價接收以示體恤第十一條所載照給礦地山分一

節查熱河地方多與蒙旗犬牙交錯如礦山四至向爲蒙古王公徵收錢糧之地除照章給與山分外應將所收課稅酌定提歸各旗成數以補錢糧之不足其餘各條均屬可行應請 旨飭下該都統遵照辦理得 旨如所議行○癸卯以榮慶爲鎮黃旗蒙古都統○乙巳諭張之洞奏參營帶練船員升請旨斥革一摺福建補用參將何心川管帶寶泰練船平日並不遵章督練虛糜帑項經張之洞前往校閱各項功課毫無實際種植荒謬怠玩廢弛實堪痛恨何心川著卽行革職以昭炯戒餘著照所議辦理○丙午上詣 大高殿祈雨○丁未雨○戊申諭南洋各埠多有華商出洋貿易熟悉中外情形又深明於君國身家互相維繫之義雖僑居海外心恆不忘故土其忠愛惻怛朝廷深爲嘉尚迭經諭令沿海各省於流寓華商回籍時設法保護現在振興庶政講求商務一切應辦事宜全在得人尤應體恤商情加意體恤各埠華商人等凡有因事回華者其身家財產均責成各省督撫嚴飭地方官切實保護卽行安定章程奏明辦理倘有開津丁役地方胥吏及鄉里莠民藉端訛索卽予按律嚴懲決不寬貸著卽由沿海督撫及商務大臣出使大臣剴切曉諭宣布朝廷德意俾衆咸知○己酉山東惠民縣劉旺莊黃河漫口合龍○辛亥諭前據御史李灼華奏參閩浙總督許應驥貪污卑鄙等情當經諭令張之洞確查茲據查明覆奏所參各節均無實據惟該督身任封圻不能儉約率下收受禮物家丁勒索門包於所屬重案未能

允協並用人太偏下情蘊蔽以致輿論不平許應駁著交部議處臬司楊文鼎恃才傲物多攬權利不恤民隱難膺風憲之任著以道員降補建甯鎮總兵鍾紫雲查無吞餉受賄實據惟專事逢迎於營伍不能核實整頓著開缺留閩差委署督標中軍副將賴文華工於趨附汲引私人著以守備降補補用道孫道仁年少力強營求好利惟平日尙知練兵講求新法著以通判降補仍留福建專充武備學堂總辦並充督操營務處以觀後效通判閔毓靖鑽營生事曠大使宋尊望貪鄙嗜利均著卽行革職捐升知府前署莆田縣知縣蔣唐祐卑鄙妄爲劣跡多端著革職永不敘用署仙遊縣知縣王士駿派捐苛刻激成事變率行請兵傷斃多命著革職永不敘用並發往軍臺効力贖罪參將江孝全督兵彈壓進行開礮著卽行革職候補道柯欣榮於仙遊激變一案未能籌商妥辦著交部議處餘著照所議辦理該部知道○諭路礦總局奏籌辦學堂並道員張振勳報効經費銀二十萬兩請旨破格獎勵各摺片候選道張振勳久歷外洋熟悉商情茲因辦路礦學堂報効鉅款洵屬好義急公深堪嘉尚張振勳前經載鴻慈保奏已諭令送部引見著迅速來京預備召見候旨施恩餘依議○命色楞額著豫賞昌恭謁 西陵查看紅格○壬子以山東惠民縣劉旺莊黃河漫口合龍出力予按察使尙其亨等獎敘有差○以朱其暄爲福建按察使○以徐傳隆爲福建建甯鎮總兵○張之洞等奏江蘇地方近年制錢異常短絀錢價日昂商民交困

大江南北情形皆同雖經前督臣劉坤一於上年六月間奏准在金陵銀元局增鑄銅元而民庶用繁銅元一端仍未足供全省之用體察情形惟有行用官錢票以濟現錢之窮且必須廣鑄銅元以應官錢票之取庶可互相維持等往復電商辦法應於江甯蘇州兩省城均設立官銀錢局同時並舉力量較厚補益較多以常理論之甯屬蘇屬本爲一省既行官錢票自宜彼此交兌互收一氣貫通不分界限庶便商旅而廣流通卽如民間銀號錢莊亦必各處多設分行共一總號隨處可以取錢可以匯兌氣勢方寬惟創辦之初或須有因地制宜之處祇可暫爲行用各票並端緒較清稽核較易當飭甯蘇兩藩司將應行籌畫事宜會商詳辦茲據江甯布政使李有棻蘇州布政使陸元鼎會詳稱擬各就省城創設官銀錢局一所在甯曰裕甯官銀錢局在蘇曰裕蘇官銀錢局繕繪官錢票樣分註局名擬請咨由出使日本大臣託日本大藏省印刷局精製票板印刷票紙每票一張作制錢一千文准其完納本省關稅鹽課釐金及一切公款與現錢無異江甯省城已由江甯藩司籌款添購銅元機器擴充廠屋廣爲鑄造前於正月內奏明在案蘇州省城亦由蘇州藩司籌款創設銅元局購機趕辦另摺奏明除儲備制錢待用外尤須多存官鑄銅元作爲票本凡持票赴局兌取現錢者每票或取制錢一千文或取銅元一百圓悉聽民便甯蘇兩局之票板式樣一律相同惟局名蓋用兩藩司印信各別暫時各用各票俟甯蘇本屬流通再行

互相兌用以期貫通爲一等情具詳請奏前來臣等查中國民間日用向以錢爲大宗錢缺價昂商民皆病其最苦累以三項爲尤其兵勇之領餉以銀數計錢過貴則餉項明不減而暗減商賈之完解捐以錢計錢過貴則解捐名不加而實加至於鹽務尤爲甚也運商行銷外省以銀數計運商訂場商之鹽場商收電戶之鹽皆以錢數計錢過貴則運商贏不補虧勢將停運尤於大局有關至於銀價日低則定貨疑阻百貨壅滯行旅苦累一切商務民生均多窒礙惟行用官錢票以代現錢又多鑄銅元以輔錢票官票銅元兩皆充裕由官酌盈劑虛權其收放則可以抑其變而常持其平惟官票必須官收示民以信斯爲行票之根本官票既暢錢價自平民困自紓實爲今日利國便民之急務現已咨會出使日本國大臣蔡鈞轉託日本印刷局按照所寄票式代爲製印約計七八箇月可以造成寄回應用現飭蘇甯兩藩司兩局此時各用各票以後體察情形如可以交兌互收再行定數立限劃付結算設法防弊以廣流通其一切未盡事宜迅即妥籌舉辦並通飭全省州縣關局眾凡商民持票呈繳官項者與現錢一體兌收不准稍有留難留案及補色補串等弊違者嚴行參處得旨著照所請戶部知道○癸丑上詣建福宮孝貞顯皇后聖容前行禮○諭軍機大臣等有人奏伯都訥副都統訥陸儀事廣民請飭查辦一摺前據長順等奏伯都訥有賊詐入新城勾串外匪焚燒搶掠經副都統訥陸已撫復剿事出於不得已與疏防

賊匪入城行劫者不同可否免其置議是以降旨准如所請茲據奏參該副都統平日操防廢弛賊來不能抵禦部下兵丁通賊致將衛署倉庫搶擄一空反按戶勒派商人罰捐巨款怨聲載道等語著該將軍等再行確切查明據實覆奏不准稍有迴護原摺著鈔給閱看將此諭令知之○袁世凱奏查光緒二十七年四月十七日奉 上諭各州縣衙門書吏往往舞文弄法差役吏百般擾害閭閻甚至一縣差役多至數百名著各督撫通飭所屬將領設書吏分別裁汰差役尤當痛加裁革等因仰見 朝廷整飭紀綱除弊安民之至意欽服莫名詞兩江督臣劉坤一湖廣督臣張之洞曾奏條陳變法第二摺內特以書吏差役爲首其辦法則擬令各州縣選用生員以充稿書僱用讀書安分之書手以充清書另行募役以充役酌收訟費以養勇並經政務處咨行各省酌量仿照辦理在案臣查書役人等害民蠹政積弊最深而州縣事務繁不能不需人策遣其劇邑大縣人少且不敷用例定役食爲數極薄勢難責其枵腹從公若概令收取訟費以資養贍又慮繁苛滋擾熟籌漸顧行之甚難惟天津承大亂之餘自度經營有同草創如趁交還地面之始革去宿弊安定新章當可較易措手臣於上年蒞津之日卽令天津縣先行試辦將書役人等力加裁併其萬不可減者逐細挑選須定名數於應得役食外量給工食舉向來各項陋規差費一律禁革不准需索分文違者處以極刑嚴飭遵辦去後茲據著天津縣章煥稟稱縣書家丁書吏差役

之衆甲於通省歷任以來所用不下三千餘人該令奉飭認真整頓首先裁去門丁不用其司事家人照額減半使用五十餘名胥吏則詳加考驗分別去留共用百名差役之積習過深者悉數革退選舉壯勇六十名皂役四十名此外不許另用散役一人勇役均改穿號衣懸掛腰牌俾民間易於識別應需工食銀兩酌收訟費按月開支訟費盡分三等上戶限交制錢十千中戶八千下戶六千令理曲者當堂交納貧戶酌量免繳和息案交錢十大千過有控追欠價統按追出之數酌提一成作為公費並將限定數目懸示曉諭俾衆周知以免額外需索民間樂於去弊且有定額莫不甘心輸納交口稱便自上年八月試辦起以訖今日官無廢事役無贅索民無贖業已著有成效應懇奏請 敕部立案以資經久等情前來臣維官多一役則民多一害津邑號稱繁劇需用胥役較衆一經認真裁汰尙無不敷驅遣之時以之推行各處當亦無所窒礙惟是津邑詞訟之繁亦為各屬之冠以訟費開支工食自可不虞短絀他邑訟案繁簡不等能否提集訟費及訟費能否敷用尙難預定容臣通飭各屬各就地方情形詳訂章程察度辦理以期變通盡利流弊不滋報聞○甲寅諭恩壽奏恭錄 聖諭像解進呈一摺康熙年間 聖祖仁皇帝特頒 上諭十六條以為化民成俗之本海內士庶固已家喻戶曉茲據恩壽採訪原任安徽繁昌縣知縣陳延年編輯 聖諭像解一書恭錄 上諭冠首將經史事實分載於後並為淺明解說俾婦孺



皆易通曉實足輔翼 聖諭敢迪愚蒙著該撫卽將石印成書分送各省由督撫分發各屬州縣各學堂  
俾資觀感以端風化○召蘇元春入覲以黃呈祥署廣西提督○以曹鴻勳爲貴州布政使調全琳續爲  
貴州按察使以劉春霖爲雲南按察使